



古今事文類聚

前集

四之三

~~X
99
4~~

逍遙文庫
文庫6
28
4





新編古今事文類聚前集卷之四

建安 祝穆 和父 編

金陵 唐富春 子和 刊

天道部

雷 電附

羣書要語陰陽相薄感而為雷激而為霆淮南子疾雷不及掩

耳之同疾雷為霆爾雅雷天之鼓抱朴子豐隆雷師見雲門仲

春之月日夜分雷乃發聲仲秋之月雷乃收聲月令雲雷屯君

子以經綸 雷在地中復 震來虩虩震驚百里 天地解而

雷雨作 雷雨作而百果草木皆甲拆 動萬物者莫疾於雷

事類彙編前集 卷之四

鼓之以雷霆潤之以風雨雷風相薄並易隱其雷在南山

之陽詩虺虺其雷終風疾雷破山莊子霆聲發榮前禮樂志雷

填填兮雨冥冥楚辭雷二月出地百八十日雷出則萬物出八

月入地百八十日雷入則萬物入入則除害出則興利人君之

象也王充論衡春夏之有雷霆也或發而震破巨石裂大木而

殘之艸木豈有非常之罪哉彼豈有懲於物也柳文無雷同雷

百里謂之世言垂龍苦於行雨而多竄匿為雷神捕之或古木

及簷楹之內北夢瑣言

詩雷霆空霹靂杜雲雷驅號令杜

電謂之雷光五經通義仲春始電月令燁燁震電詩雷電噬

嗑易電以為鞭策雷激氣也陰氣伏於黃泉陽氣上通於天陰

陽分爭故為電莊子恐天時之代序兮耀靈華而西征靈時電

列缺曄其照夜應劭曰列缺天凌驚雷之矼若即磕若蓋今弄

狂電之淫裔思玄賦陰陽相薄為雷激揚為電淮南子擊電無

停光公孫子吳武陵曰雷砰電射天怒也不能終朝唐藝文志

驚蟄蟲於始作兮李頤雷賦有聲曰雷無聲曰電公羊月支獻

猛獸兩自如天礮先念反礮徒念反之炎光太平廣記

詩句電尾燒空黑雲脚飛銀線韓渥詩電光時掣紫金蛇東坡

驚電夜舒光陸士遜

古今事實

阿香

義興人姓周永和。中出都日暮道邊新草小屋有一女子出門

事文類聚前集

卷之四

二

望見周曰日已暮周末寄宿向三更中聞外有小兒喚阿香人喚汝推車女子辭去忽驟雷雨明朝視宿處乃一新塚搜神記

謝仙

大中祥符間岳州玉真觀為天火所焚惟留一柱有謝仙火三字。削書而刻之慶曆中有以此字問何仙姑者。輒曰謝仙者雷部中鬼。夫婦皆長三尺其色如玉掌行火於世間後有聞其說於道歲中檢之實有謝仙字。由是益以仙姑為真仙矣。

雷形

雷州春夏多雷。秋日則伏地中。其狀如蟻人取而食之。國史補

雷鼓

圖雷之狀。壘壘如連鼓形。又圓一人若力士謂之雷公使之左。

手引連鼓右手推之。論衡

雷車

柳公權元和末止建州山寺中。夜半覺門外喧闐因潛於窓中觀之。見數人運斤造雷車。如畫圖者。久之。一嚏氣忽斗暗失其人。兩目遂昏焉。酉陽雜俎

雷斧

世人有得雷斧雷楔者。云雷神所墜。多於震雷之下得之。而未嘗親見。元豐中予居隨州。夏月大雷震。一木折其下。乃得一楔。信如所傳。凡雷斧多以銅鐵為之。楔乃石耳。似斧而無孔。筆談

雷神

楊道和夏於田中值雷雨至。桑下霹靂下擊之。道和以鋤格其

眩遂落地不得去色如丹目如鏡毛角長三尺餘狀如六畜頭似彌猴搜神記

雷火 以上係雷之妙用

內侍李舜舉家曾為暴雷所震其堂之西室雷火自窓間出赫然出簷人以為堂屋已焚皆出避之及雷止其舍宛然牆壁窗紙皆黔有一木格其中雜貯諸器其漆器銀鈔者銀悉鎔流在地漆器曾不焦灼有一寶刀極堅鋼就刀室中鎔為汁而室亦儼然人必謂火當先焚草木然後流金石今乃金石皆鑠而草木無一燬者非人情所測也筆談

震夷伯廟

雷震夷伯之廟罪之也於是展氏有隱慝焉

雷震陵寢

後漢建和中雷震憲陵寢室是時梁太后兄冀用事

母畏雷震

蔡順母平生畏雷自亡後每有雷震順輒環塚泣曰順在此

筒柱遭震

夏侯泰初倚柱作書時霹靂破柱衣服焦然神色無變書亦如故賓客左右皆跌蕩不能往世說

方食失匕

先主與曹公語會雷大震先主方食失匕箸曰雷之威乃至此華陽國志

借軍收麥

李鄴在北都介休百姓送解牒上宿祠宇下夜有人扣門云介
休主暫借霹靂車至介休收麥良以數人共持一物如幢上殿
旗幡其幡凡十八葉有光如電以授之次日介休大雷雨損麥
千餘頃西陽雜俎

迅雷震樹

劉曜從劉元海獵于四山遇雨止樹下迅雷震樹旁人莫不顛
仆曜神色自若元海異之曰此吾家千里駒也

震人書背

長慶中有人雷震而死背上粉書云市中用亦斗李用晦芝田

雷電取書

上元中台州一道士王遠知善易知人生死禍福作易總十五

卷二日因暴風雷雨忽至暝霧中一老人叱曰所泄者書何在
上帝令吾攝六丁雷電取摺文書龍城錄

震屋龍出

吳柴再用為光州一日大震雷家人皆伏匿再用當戶坐不動
俄見有襦袴四人昇再用坐敗床出庭中復大震屋折有龍出
九國志

擊姦黨碑

宣和殿所立元祐姦黨碑一夕大風雨為震雷擊碎步里客談

問雷起處

邵子謂程子曰子知雷起處乎子曰某知之堯夫不知也堯夫
愕然曰何謂也子曰既知之安用數推之以其不知故待推而

後知堯夫日子以為起於何處子曰起於起處堯夫矍然稱善
語錄

電繞樞星見誕聖門以下係電

陽氣失節

魯哀公九年大雨雷電注此陽氣失其節公羊

天笑為電

天公與玉女投壺梟而脫誤不接者天為之笑所以為電神傳

古今文集

雜著

上天鼓文

程正叔

雷車闐闐六合喧吼驟風雨於南極族星雲於北斗感東海以

波蕩擺太山而瓜剖玉石至堅切如泥溲松柏至勁粉為枯朽
鼉皮擊考而魍魎眩暈龍顏解觸而鯨鯢奔走陶鑄造化之鑪
而鴻毛萬像幹運乾坤之軸而嬰孩羣有由是言則九鼎瑣細
三山培塿昂鶴可以指揮蓬萊可以背負殊不測離蒼天之遠
近當懼驚魂在玄雲之幾重徒來矯首及夫白日雨歇長虹霽
後列軼緩轡玄冥假手蒼殘怒之未洩聞餘音之良久而小子
之謬學敢獻疑於座右今若為善惡之主宰操賞罰之休咎胡
不扶持顏閔之羶行天闕踟躕之龜壽罪一亂臣懲天下之凶
醜旌一孝行激天下之悌友法高懸於堯典刑不試於周后何
必霹靂潛窟之龍養育吠堯之狗

震擊不善

程正叔

問人有不善霹靂震死莫是人懷不善之心聞霹靂震而死然
否伊川曰不然是雷震之也如是雷震之還有使之者否曰不
然人作惡有惡氣與天地之惡氣相擊搏遂以震死霹靂天地
之怒氣也如人之怒固自有正然怒時必為之作惡是怒亦惡
氣也怒氣與惡氣相感故爾曰雷所擊處必有火何也曰雷自
有火如鑽木取火如使木中有火豈不燒了木蓋是動極則陽
生亦自然之理語錄

論造化之迹

胡明仲

或謂雷霆何為而然者有形耶有神耶曰古人未之言也然先
達大儒亦嘗明其理矣蓋天地之間無非陰陽聚散闔闢之所
為也可以神言不可以形論非如異學所謂龍車石斧鬼鼓火

鞭性誕之難信也故其言曰陰氣凝聚陽在內而不顯出則奮
擊而為雷霆雖聖人復起不能易矣凡聲陽也光亦陽也光發
而聲隨之陽氣奮擊欲出之勢也電緩小則震亦緩小電迅大
則震亦迅大震電交至見必有用震而不電電而不震則無用
由陰氣凝聚之有疎緩迅密也曰世人所得雷者何物也曰
此猶星隕而為石也本乎天者氣而非形偶隕於地則成形矣
然而不盡然也曰雷之破山壞廟折樹殺人者何謂也曰先儒
以為陰陽之怒氣也氣鬱而怒方爾奮擊偶或值之則遭震矣
然而不盡然也曰電之閃鑠激疾如金蛇飛騰之狀何謂也曰
光之發也惟光爾適映雲際則如是不當乎雲之際而在同雲
之中則無此矣凡天地造化之迹苟不以理推則必入于幻怪

誕偽之說而終不能明故君子窮理之為要也 曾見

律詩 雷公 韓偓

閑人倚柱笑雷公又向深山霹靂松必若有蘇天下意何如散馬起武侯龍

天自山不聞雷震 蘇子瞻

已外浮名更外身區區雷電若為神山頭只作嬰兒看無限人間失著人

冬乾 朱喬年

陌上冬乾泣老農天留甘雨付春工阿香急試雷霆手莫放人間有飲龍

王子聞迅雷有感 朱元晦
誰將神斧破頑陰地裂山開鬼失林我願君王法天造早施雄斷谷羣心

虹蜺

羣書要語虹陽氣之動也虹攻也純陽攻陰之氣也 釋名帶蜺
虹也蜺雌虹也一名犖貳貳蓋言一爾雅雄曰虹雌曰蜺舊說
虹常雙見鮮盛者雄其間者雌也一曰赤白色謂之虹青白色
謂之蜺 神雅今俗謂虹為虹 音絳一名蛟蜺 說文虹蜺者陰陽
之精又曰陰陽交為虹蜺 元命苞天一氣則成虹 滯氣也日旁
氣白者為虹 考靈耀陽炙陰為虹 莊子季春之月虹始見孟冬

之月虹藏不見月令虹蜺也陰陽交接之氣著於形色者也常依陰雲而晝見於日復無雲不見太陰亦不見率以日西見於東方蔡邕月令章句蜺在東莫之敢指詩雌蜺連蜺沈約郊居賦若大旱之望雲霓孟子

古今事實

白虹貫日

唐睢謂秦王曰聶政刺韓傀白虹貫日戰國策荆軻為燕太子謀刺秦王精誠感天白虹貫日列士傳

天投蜺

靈帝時有黑氣墮北宮溫明殿東庭中黑如車蓋騰起奮迅長十餘丈其貌似龍上問蔡邕對曰所謂天投蜺也後漢五行志

虹飲其金

晉陵薛願義熙初有虹飲其金翕響便竭願輦酒灌之隨吹吐金滿器於是災弊比杜而豐晉書成臻劉敬升異苑

古今文集

雜著

暈日而成

先儒以為雲薄漏日日照雨滴則虹生今以水噴日自側視之則暈為虹蜺然則虹雖天地淫氣不暈於日不成也故今雨氣成虹朝陽射之則在西夕陽射之則在東侯鯖錄

入澗飲水

世傳虹能入溪澗飲水信然嘗見夕虹下澗中飲者兩頭皆垂

潤中使人過潤隔虹對立相去數丈之間如隔網縠自西望東則見立潤之東向西則為日光所燦筆談

霜

露附

羣書要語霜早霜也皚霜之白者又有玄霜說文至秋三月青女乃出降以霜雪青女乃天神青天王女司霜雪者淮南子季秋之月霜始降則百工休月令霜降之日豺乃祭獸月令駟見而霜隕國語霜陰陽之氣也陰氣勝則凝而為霜大戴禮履霜堅冰至象曰陰始凝也易霜露既降君子履之必有悽愴之心非其寒之謂也禮記兼葭蒼蒼白露為霜詩霜以殺木露以潤草春秋元命苞九月肅霜詩正月繁霜我心憂傷幽王詩王者政令苛則夏下霜誅伐不

行則冬霜不殺草春秋感精符豐山有九鍾霜降而自鳴山海經北

方白鴈秋深乃來來則霜降謂之霜信古今詩話

詩句十暑岷山葛三霜楚戶砧杜鴛鴦瓦冷霜華重白

露陽氣勝則散為雨露大戴禮甘露降者老得敬則松柏受之

尊賢容衆則竹葦受之甘露者仁澤也其凝如脂其美如飴

名天酒晉書朝飲木蘭之墜露楚詞春食朝霞朝霞者

日始欲出赤黃氣也秋食淪陰淪陰者日沒以後赤黃氣也冬

飲沆瀣沆瀣者北方夜半之氣也夏食正陽正陽者南方日中

氣也並天地玄黃之氣是為六氣也陵陽子色黃曰爵錫天官

書蟬飲露見蟬門鶴整露見鶴門

詩句玉露漙漙清影杜

古今事實

霜不殺草

釐公二年十月隕霜不殺艸為嗣君微失兼事之象也

霜殺草木

漢武帝元光四年隕霜殺草木自是征伐四夷師出二十餘年
本紀

霜殺桑稼

元帝永光元年三月隕霜殺桑九月二日隕霜殺稼天下大饑
是時石顯用事

盛夏降霜

鄒衍事燕惠王左右譖之被繫於獄仰天而哭盛夏為之降霜

江淹曰賤臣叩心飛霜擊於燕地淮南子

零露之燕見御燕門以下係露

行露聽訟

行露召伯聽訟也厭浥行露豈不夙夜為行多露

宮露沾衣

子胥諫吳王怒暮歸子胥舉衣羣臣曰宮中無泥露相君舉衣
行高何為子胥曰吾以越諫王不聽吾恐宮中生荆棘露沾吾
衣吳越春秋

園露沾衣

吳欲伐荆舍人孺子欲諫懷彈於後園露沾其衣王曰何苦露
沾衣曰臣捕黃雀不覺露濕衣劉向說苑

漢武帝承露盤上有仙人掌承露和王房飲之金莖銅柱

甘露降祥

漢宣帝詔迺者甘露降未央宮其赦天下

晨吸花露

大真妃宿酒初消苦肺熱晨遊後苑口吸花露以潤肺開元遺事

古今文集

雜著

霜瓦成花

沈存中

宋次道春明退朝錄言天聖中青州盛冬濃霜屋瓦皆成百花之狀此事五代時亦嘗有之慶曆中京師集禧觀渠中水皆成

花果林木元豐末予到秀州人家屋瓦上冰亦成花每瓦一枝正如畫家所為折枝有大花似牡丹芍藥者細花如海棠萱草者皆有枝葉無毫髮不具氣象生下雖巧筆不能為之以紙場之無異石刻筆談

律詩

詠霜

蘇味道

金祇暮律盡玉女暝氛歸早冷隨鐘徹飄華逐劍飛帶日浮寒景乘風進曉威自存貞筠質寧將庶草腓雜著 以下係露

甘露降松

熙寧六年冬建昌軍城北五里間甘露降于進士徐上交別業

松上濃潤如酒澤其味甜香上及折松枝獻于太守張子左時
有野人賣藥于市語人曰吾嘗客華陰縣民亦有以甘露降告
縣者縣令因自出按之有道人笑曰譬如人身精液流通均布
六七十年中若其壽短促則漏泄於味灰之前矣此木蓋將稿
故耳官人不信請留我以待明春此松必不復榮矣縣令如其
說果驗焉漁隱

古詩

詠露

李正封

霏霏靈液重雲表無聲落葉樹急安蟬洒地凄皓鶴流塵清遠
陌飛月澄高閣宿潤玉堂簾曙寒金井索佳人比珠淚坐感紅
納薄

律詩

露

李嶠

滴瀝明花苑葳蕤泣竹叢玉垂丹棘上珠湛綠荷中夜警千年
鶴朝零七月風願凝仙掌面長奉未央宮

雪霜附

羣書要語雲霧用之徵也夏則為露冬則為霜溫則為雨寒則
為雪雨霧凍凝者皆由地發不從天降論衡凡草木花多五出
雪花獨六出雪花曰霏雪雲曰同雲韓詩外傳霜雪大摯傷也
月令
正月三日田公笑嚇嚇西北人諺曰要安要見三百朝野
余載 太平之代雪不封條凌海毒害而已西京雜記增水峨峨

車文頌頌集

卷之四

十一

飛雪千里拓寬平地尺為大雪左傳上天同雲雨雪雰雰詩雨
雪漉漉見曉日消詩今我來期雨雪霏霏詩重雪終日玉花攪
空舒元與序

詩句天人寧底巧剪冰作花飛吳陸錫若逐微風起惟言飛玉

塵何遜不知園裏樹若箇是真梅東坡隨車翻縞帶逐馬散銀

杯韓愈燕山雪花大如席李白大似落鷲毛密如飄玉屑白樂

天河南二三月雪花一尺圍韓到江還作冰著樹漸成花韓斜

侵潘岳鬢橫上季良眉羅可戰退玉龍三百萬敗鱗殘甲滿天

飛天聖間張元

電霰雨與雪雜下曰霰爾雅陰陽相脅而電霰盛陰雨雪凝帶

而水寒陽氣薄之不相入則散而為霰盛陽雨水溫暖而湯熱

陰氣脅之不相入則轉而為電霰者陰脅陽也電者陽脅陰也
洪範五行傳 電雨雪也從雨包聲說文 相彼雨雪先集惟霰詩

曾子曰陽之專氣為電陰之專氣為霰大戴禮

古今事實

賦黃竹詩

穆天子傳曰丙辰天子遊黃臺之丘獵於華澤有降雨天子乃
休日中大寒北風雨雪有凍人天子作黃竹詩三章以哀之曰
皇我萬民日夕勿忘

雪寒眼窮

昔衛君重裘累茵而坐見路有負薪而哭之者問曰何故也對
曰雪下衣薄是以哭之於是衛君懼見於顏色曰為君而不知

事文類聚前集

卷之四

十一

民孰以我為君於是開府金出倉粟以賑貧窮

東郭履穿

東郭先生衣敝履不完行雪中履有上無下足盡踐地史

雪寒墮指

漢高帝自將兵擊匈奴冬大寒雨雪卒之墮指者十二一匈奴傳

鳥獸凍死

漢元封二年大雪深一丈野中鳥獸皆死牛馬蹇縮如蝟

蘇武嚙雪

蘇武傳單于幽武置大窖中絕不與飲食天雨雪武臥嚙雪與旃毛并咽之數日不死匈奴以為神

謝女詠雪

謝安雪日內集兒女講論文義俄而雪驟公欣然曰白雪紛紛何所似兄子朗兒曰散鹽空中差可擬兄女曰未若柳絮因風起公大笑為樂兒女道蘊王凝之妻也世說

雪夜訪戴

王子猷居山陰大雪夜眠覺開室酌酒四望皎然因起彷徨詠左思招隱詩忽憶戴安道時戴在剡溪即便夜乘輕船就戴經宿方至既造門不前便還人問其故王曰吾本乘興而行興盡而返何必見安道耶

木屑布地

陶侃元會大雪始晴廳事前猶濕於是以前掌木屑布地

袁安臥雪

大雪山餘洛陽令身出按行見民家皆除雪出至表安門無有
行路謂安已死令人除雪入戶見安僵臥問何不出安曰大雪
人皆餓死不宜干人清異錄

滕六降雪

晉州蕭刺史至忠將以臘日畋遊有樵者於霍山見一老康哀
請黃冠者黃冠曰若令滕六降雪異一起風即蕭君不復獵矣
新者曰未明風雪竟曰蕭刺史竟不出幽怪錄

雪夜平蔡

李愬入蔡夜半至懸弧城雪甚城旁皆驚驚池愬令擊之以亂
軍聲

掃雪迎賓

日豪王元寶每遇大雪則自所居至坊巷口掃雪開徑迎揖賓客
飲宴謂之暖寒會天寶遺事

王恭被氈

王恭嘗被鶴氈涉雪而行孟昶窺見之曰此真神仙中人也本傳

驢上吟詩

或問鄭棻詩思對曰思在灞橋雪中驢子上

幸大臣第

太祖一日大雪夜叩趙普門曰已約晉主已而太宗至設重茵
地坐熾炭燒肉普妻行酒帝以嫂呼之帝曰吾睡不着一榻之
外皆他人家也故來見卿遂定下江南之策

雪水烹茶

陶穀學士買得党太尉家妓遇雪陶取雪水烹團茶謂妓曰党家應不識此妓曰彼處人安有此但能于銷金暖帳中淺斟低唱喫羊羔兒酒陶默然斬其言

雪寒侍立

侯師聖云游揚初見伊川伊川瞑目而坐二子侍立既覺顧謂曰賢輩尚在此乎日既晚且休矣及出門門外之雪深一尺

雷不為災 以下係雷

昭四年大雨雷季武子問申豐曰雷可禦乎對曰聖人在上無雷雖有不為災左

歷代雷災

漢文帝後元年雨雷如桃李深二尺 風俗通 景帝二年秋雨雷

大者五寸永初三年夏河西縣大雨雷如梧桐大或如斗殺畜生雉兔折樹木 孔叢子 漢武帝元封三年冬雨雷大如馬首宣帝地節四年夏山陽雨雷大如雞子深二尺五寸殺入飛鳥皆死 本紀

縣境無雷

韓稜為下邳令鄰縣皆雷傷稼稜境獨無

雷或兆祥

熙寧中河州雨雷大者如雞卵小者如蓮芡或如人頭耳自口鼻皆具無異鑄刻次年王師平河州蕃戎授首者甚眾豈克勝之符豫告耶

蜥蜴吐雷

劉居中至嵩山巔有大蜥蜴數百皆長三四尺人以食食之撫
摩其身滋膩如脂一日聚繞水盆邊各就取水纔入口即吐電
已圓結如彈丸積之于側俄頃纍纍滿地忽震雷一聲起彈丸
皆失去明日人來言昨午雨雹大作乃知蜥蜴所為庚堅志

古今文集

雜著

雪賦

謝惠連

歲將暮時既昏寒風積愁雲繁梁王不悅遊於兔園乃置酒
命賓友召鄒生延枚叟相如未至居客之右俄而微霰零密雪
下王乃歌北風於衛詩咏南山於周雅授簡於司馬大夫曰抽
子秘思騁子妍詞侔色揣稱爲寡人賦之相如於是避席而起

逶迤而揖曰臣聞雪宮建於東國雪山峙於西域岐昌發詠於
來思姬滿申歌於黃竹曹風以麻衣比色楚瑤以幽蘭儷曲盈
尺則呈瑞於豐年表丈則表沴於陰德雪之時義遠矣哉請言
其始若乃玄律窮嚴氣升焦溪涸陽谷凝火井滅溫泉冰沸潭
無涌炎風不興北戶瑾扉裸壤垂繒於是河海生雪朔漠飛沙
連氛累靄掩日韜霞霰淅瀝而先集雪紛採而遂多其爲狀也
散漫交錯氛氳蕭索藹藹浮浮漉漉奕奕聯翩飛洒徘徊委積
始緣薨而員棟終開簾而入隙初便娟於墀廡未繁盈於帷席
既因方而爲珪亦遇圓而成璧勝溫則萬頃同縞瞻山則千岩
俱白於是臺如重璧逶迤似連璐庭列瑤堦林挺瓊樹皓鶴奪鮮
白鵬失素紈袖慙治玉顏掩燁若乃積雪未虧白日朝鮮爛方

若燭龍銜曜照崑山爾其流滴垂冰緣雷承隅采兮若馮夷剖
蚌列明珠至夫繽紛繁露之貌皓汗皎潔之儀迴散縈積之勢
飛聚疑曜之奇固展轉而無窮差難得而備知若乃申娛玩之
無已夜幽靜而多懷風觸楹而轉響月承幌而通暉酌湘吳之
醇酎御狐貉之羔衣對庭鷗之雙舞瞻雲鴈之孤飛折園中之
萱艸摘階上之芳薇踐霜雪之交積憐枝葉之相違馳遙思於
千里願接手而同歸鄒陽聞之憊然心服有懷妍唱敬接末曲
於是乃作而賦積雪之歌歌曰携佳人兮披重幄援綺衾兮坐
芳綈燎薰爐兮炳明燭酌桂酒兮揚清曲又續而為白雪之歌
歌曰曲既揚兮酒既陳朱顏駐兮思自親願低惟以昵枕念禠
珮而解紳怨年歲之易暮傷後會之無因君寧見階上之白雪

豈鮮輝於陽春歌卒王乃尋繹吟詠撫覽扼腕顧謂枚叔起而
為亂亂曰白羽雖白質以輕兮白玉雖白空守貞兮永若茲雪
因時興滅玄陰凝不昧其潔大陽耀不固其節節豈我名潔豈
我貞憑雲升降從風飄零值物賦象任地班形素因偶立汚隨
染成縱心浩然何慮何營

古詩

辛卯年雪

韓愈

元和六年春寒氣不肯歸河南二月末雪片一尺圍崩騰相排
撥龍鳳交橫飛波濤何飄揚天風吹旛旆白帝盛羽衛鬢髮振
裳衣白霓先啟塗從以萬玉妃翕翕陵厚載謹謹弄陰機生平
未曾見何暇議是非或云豐年祥飽食可庶幾善禱吾所慕誰

事文類聚前集

卷之四

七

言寸誠微

喜雪獻裴尚書

韓愈

宿雲寒不卷，春雪墮如飈。騁巧先投隙，潛光亂入池。喜深將策試，驚密仰簷窺。自下何曾污，增高未見危。比心明可燭，拂面愛還吹。妬舞時飄袖，欺梅并壓枝。地空迷界限，砌滿接高墀。浩蕩乾坤合，巋微物象移。為祥矜大熟，布澤荷平施。已分年華晚，猶憐曙色隨。氣嚴當酒換，酒急聽絃知。照曜臨初日，玲瓏滴晚澌。聚庭看嶽脊，掃路見雲披。陣勢魚麗遠，書文鳥篆奇。縱歡羅絕點，列賀擁熊螭。履敝行偏冷，門高臥更羸。悲嘶聞病馬，浪走信群兒。竈靜愁烟起，絲繁念鬢衰。擬盤吟舊句，授簡寫前規。捧贈同燕石，多慙失所宜。

詠雪贈張籍

韓愈

祗見縱橫落，寧知遠近來。飄颻還自弄，歷亂竟誰催。座暖銷那怪，池清失可猜。坳中初蓋底，垤處遂成堆。慢有先居後，輕多去却回。度前鋪瓦隴，奔突積牆隈。穿細時雙透，乘危忽半摧。舞深逢坎井，集早值層臺。砧練終宜搗，階紈未暇裁。城寒裝睥睨，樹凍裹莓苔。片片匀如剪，紛紛碎若檇。定非瘴鴟真是，屈瓊瑰。緯繡觀朝萼，冥茫矚晚埃。當窓常凜凜，出戶即皚皚。壓野榮芝菌，傾都委貨財。娥嬉華蕩漾，胥怒浪崔嵬。磧迥疑浮地，雲平想漲雷。隨車翻縞帶，逐馬散銀杯。萬屋漫汗合，千株照耀開。松篁遭挫抑，糞壤獲饒培。藹絕門庭遽，儻排階級纒。豈堪神岳鎮，強欲效鹽梅。隱匿瑕疵盡，包羅瑣瑣該。諫難宵呢嚶，驚雀暗徘徊。

喜雪獻裴尚書

卷之四

十一

十九

後書堂

浩浩過三暮悠悠市九垓鯨鯢陸成骨玉石火灰厚慮填溟
壑高愁撥手魁日輪埋欲側坤軸壓將頽岸類長蛇攪陵猶巨
象脰水官夸裸黠木氣怯肝胎著地無由卷連天不易推龍魚
冷蠶苦虎豹餓號哀乃借奢豪便專繩困約災威貪爰布被光
肯離金壘賞玩拘他事歌謠放我才狂教詩律死與酒陪鯁
惟子能諳耳諸人得語哉助留風作黨勸坐人爲媒雕刻文刀
利搜求智網恢莫煩相屬和傳示及提孩

次韻常父惠示下邳雪詩

黃魯直

春皇賦上瑞來寧黃屋憂下令走百神大雲庇九丘風聲將仁
氣艷艷生瓦溝寒花舞零亂表裏照皇州千門委玉璽曉白懽
不收元年冬無澤穴處長蟻蠶兩官初肝食補衣獻良籌有道

四夷守無征萬邦休耆年美國論涇渭極分流輟乘入班品逸
民盡歸周股肱共一體間不容戈示人才如金玉同美異剛柔
政須衆賢和乃可陳共咬改絃張散法病十九已瘳玉指要
不匿蝕非日月羞桑林請六事河水問九疇天意果然得立功與
吾謀此物有嘉德占年在交秋近臣知天喜玉色動竟荒儒館
無他事作詩配崇丘

小雪

蘇叔黨

耿耿五侯居碧瓦映華稅獸炭麒麟紅銀瓶黃封揭春風透幄
帳醉面生綺纈賜宴明光宮玉色迷金闕誰憐蓴門士破壁穿
飛屑

雪

歐陽永叔

時在穎州作。五月梨梅練絮。白舞鶯鶴。銀等皆請
勿用。

新陽力微初破萼。客陰用壯猶相薄。朝寒稜稜風莫犯。暮雪綵
綉止還作。驅馳風雲初慘淡。炫晃山川漸開廓。光芒可愛初日
照。潤澤終為和氣爍。美人高堂晨起驚。幽士虛窓靜開落。酒壚
成徑集。餅壘獵騎尋踪得。狐貉龍蛇掃處斷。復續猊虎圍成呀。
且攫共食終歲飽。牟麥豈恤空林饑。鳥雀沙墀朝賀逆。象笏
野行歌。沒世齋乃知。一雪萬人喜。願我不飲胡為樂。坐看天地
絕氛埃。使我胸襟如沈淪。脫遺前言笑塵雜。搜索萬象窺冥漠。
穎雖陋。邦文士衆巨。筆人人把。示樂自非我。為發其端凍口何
由開。一噍。

晏大尉西園賀雪歌

歐陽永叔

陰陽垂錯亂。五行窮。冬山谷暖不冰。一陽且出在地上。地下誰
發萬物萌。大陰當用不用事。蓋由姦將不斬。虜國刑遂冷。邪風
伺間隙。潛中瘟疫於喉。戒神哉。陛下至仁聖。憂動艱。禱通精。誠
聖人與天同一體。意未發。口天已聽。忽收寒威還冰官。正時肅
物凜。以清寒風得勢。獵獵走瓦乾。霰急落不停。恍然天地半夜
白。群雞失曉不及鳴。清晨拜表東上閣。鬱鬱瑞氣盈空庭。退朝
騎馬下銀闕。馬滑不慣行瑤瑣。晚趁賓館賀。大尉坐覺蒲路流
歡聲。便開西園掃徑步。正見玉樹花凋零。小軒却坐對山石。掃
拂酒面紅顏生。主人與國共休戚。不惟嘉悅將豐登。須憐鐵甲
冷。徹骨四十餘萬屯邊兵。

聚星堂雪

蘇子瞻

元祐六年禱張龍公得小雪與客會歡聚星堂忽憶歐陽文忠公作守時雪中約客賦詩禁體物語爾來四十餘年莫有繼者僕以老明生繼公後雖不足追配先生而賓客之美殆不減當時公之二子又適在郡故輒舉前令各賦一篇

忽前暗響鳴枯葉龍公試手初行雪映空先集疑有無作態斜飛正愁絕衆賞起舞風竹亂老守先醉霜松折恨無翠袖點橫斜祇有微燈照明滅歸來尚喜更鼓暗晨起不待鈴索掣未嫌長夜作衣稜却怕初陽生眼禰欲子天白追餘賞幸有迴颺驚落屑模糊檜頂獨多時歷亂瓦溝裁一瞥汝南先賢有故事醉

翁詩話誰續說當時號令君聽取白戰不許持寸鐵

律詩

雪

盧延讓

瑞雪落紛華隨風一向斜地平鋪作月天迥散成花客浦燒烟舍牛臺賣炭車吾皇憂挾纒猶自問軍家

對雪

李嶠

瑞雪驚千里從風降九霄地疑明月夜山似白雲朝逐舞花光動臨紈扇影搖木周天闕路今自海神朝

詠雪

歐陽永叔

至日陽初復豐年瑞遽臻飄飄初未積散漫忽無垠萬木青烟滅千門白晝新往來衝更合高下着何外望好登長樹平堪走

書輪馬寒毛縮鬣弓勁力添鈞客醉看成眩兒嬌咀且響虛堂
明永夜高閣照清晨樹石詩翁對川原獵騎陳凍狐迷舊穴餓
雀噪空園此土偏宜稼而予監長久應須待和暖載酒共行春

對雪

歐陽永叔

對雪無佳句端居正杜門人閑見初落風定不勝繁可喜輕明
質都無剪刻痕鋪平失池沼飄急響惚軒惜不掃嘉樹衝宜走
畫簾寒欺白酒嫩暖愛紫貂温遠書鈞如洗愁雲晚更也兒吟
雛鳳語翁坐東鴟蹲病思驚殘歲朋歡賴酒尊袖晴春意動誰
與探名園

李紳鎮揚州請孝標賦春雪詩命題於臺盤上索筆

一禪云

章孝標

六出花飛處處飄粘旒拂砌上寒條朱門到曉難盈尺盡是三
軍喜氣銷

雪中偶題

鄭谷

亂飄僧舍茶煙濕密洒高樓酒力微江上晚來堪畫處漁人披
得一蓑歸

戲作雪獅絕句

張文潛

六出粧成百獸王日頭出後便郎當撐眉柱眼人誰怕想汝應
無熱肺腸

雪後

譚知柔

晚醉扶筇過竹村數家殘雪擁籬根風前有恨梅千點沙上無
入月丁痕

對雪

杜荀鶴

風攪长空寒骨生先於晴色報恁明江湖不見飛禽影若谷時
聞折竹聲溝壑本深無復滿路岐無得一般平擁袍公子莫言
冷中有燕夫跣足行

春雪

秦韜玉

雲重寒空思寂寥玉塵如積浦春朝片纔着地輕輕隨力不禁
風旋旋消惹砌任他香粉妬繁叢自學小梅嬌誰家醉捲珠簾
看弦管堂深暖易調

雪

羅隱

細玉羅紋下碧霄杜門顏巷樂偏饒果居只恐高柯折旅客愁
聞去路遙極凍野蔬和粉重掃庭松葉帶酥燒羨總呵筆尋詩

句一片飛來紙上銷

對雪

李商隱

旋撲珠簾過粉牆輕於柳絮重於霜已隨江令誇瓊樹又入盧
家妬玉堂侵夜可能爭桂冕忍寒應欲試梅粧關河凍合東西
路腸斷斑駁送陸郎

雪

李咸用

上帝無私意甚微欲教霖雨更光輝也知觸處花相似可到貧
家影便稀雲漢風多銀浪濺崑山火後玉塵飛高樓四望吟魂
斂却憶明皇月殿歸

雪夜書北臺壁

蘇子瞻

黃昏猶作雨纖纖夜靜無風勢轉嚴但覺衾裯如發水不知庭

院已堆鹽五更曉色來書幌半夜寒聲落書簷試掃北臺看馬耳未隨埋沒有雙尖

城頭初日始翻鴉陌上晴泥已沒車凍合玉樓寒起粟光搖銀海眩生花遺蝗入地應千尺宿麥連雲有幾家老病自嗟詩力退空吟冰柱憶劉叉

詠雪奉呈廣平公

黃魯直

連空春雪明如洗忽憶江清水見沙夜聽疎疎還密密曉看整整復斜斜風回共作凌波舞天巧能開頃刻花政使畫精寒至骨不妨桃李用年華

詩話

品題雪詩

荆公嘗與伯氏天啟在鍾山對雪舉唐人詠雪數百篇要之窮極變態無如退之大抵唐詩尚工巧失之氣格不高有如鳥向不香花裏宿人從無影月中歸若狀一時佳處如江上晚來堪畫處漁人披得一蓑歸道孤寂之意如夜靜惟聞折竹聲好用事如義山欲舞空隨曹植馬有情應點謝莊衣又云已隨江令誇瓊樹又入盧家妬玉堂至于少陵老郎不然霏霏向日薄脉脉去人遙等句便覺超出人意唐人詠雪如用瓊瑤鸞鶴梅花柳絮重疊工巧所以覺少陵超邁也本朝歐陽公雪詩多大篇然已屏去白事故東坡效之東坡少時亦多詠也知不作堅牢玉無余能開頃刻花又云但覺衾裯如潑水不知庭院已堆鹽後亦不作犯白事如白戰不許持寸鐵一篇雖無白事亦坦然

老健直有少陵氣象荆公又嘗云春雪詩古今甚衆只唐人二句爲冠輕着凍痕銷水面空隨和氣入花根此真是春雪詩又雪齋詩云萬木盡如花落候四簷鳴似雨來時但氣格不高爾
蔡戴集

點花詩句

王勉嘗作雪詩上天燒下豆稽灰鳥李從教變白梅坡欠王仲玉云江雲欲落豆稽灰勉之詩近俗入坡翁爐燬則爲佳句文酒詩話

不經人道語

盛次仲孔平仲同在館中雪夜論詩平仲曰當作不經人道語曰斜拖關角龍千尺澹抹牆腰月半稜次仲曰其在惜其未大

也乃曰看來天地不知夜飛入園林總是春平仲乃服

上其重任

韓魏公詩老石蓋深鹽虎帽冷枝擎重玉龍寒讀此句亦可見公之自任如此

評詩高下

東坡言鄭谷詩江上晚來堪畫處漁人披得一蓑歸此村學中詩也子厚云千山鳥飛絕萬徑人蹤滅孤舟蓑笠翁獨釣寒江雪信有格也哉殆天所賦不可及也
洪駒父詩話

雪詩寓諷

慶曆中西師未解晏元獻爲樞密使會大雪置酒西園歐陽文忠賦詩云須冷鐵甲冷徹骨四十餘萬屯邊兵晏曰昔韓愈亦能

作言語赴裴度會但云園林窮勝事鐘鼓樂清時不曾如此合
開倦游錄

[Faded bleed-through text from the reverse side of the page]

新編古今事文類聚前集卷之五

建安

祝穆

和父

編

金陵

唐富春

子和

刊

天道部

冰

羣書要語積冰曰凌冰壯曰凍冰流曰澌冰解曰泮風俗通孟
冬之月水始凍仲冬之月冰益壯季冬之月冰方盛水澤腹堅
命取冰以入月令東風解凍魚上冰月令初六復霜堅冰至象
曰復霜堅冰陰始凝也坤卦北方有層冰萬里厚有丈神異經
層冰峨峨楚辭大霜魚負冰易遺卦冰水爲之而寒於水荀子

事文類聚前集

卷之五

忠孝節義

良匠不能琢冰文子胡貉之地積陰之處水皮三寸冰厚六尺

晁錯書凌人掌冰正歲十有二月令斬冰三其凌周禮二之日

鑿冰冲冲三之日納于凌陰四之日其蚤獻羔祭韭二月夏之

之日夏春始治鑑凡內外饗之膳羞鑑焉凡酒漿之酒醴亦如

之正月祭祀共冰鑑鑑如鑊大口以盛冰置食物於中以禦温氣狐聽

冰見狐門

詩句厚冰無裂文短日有冷光孟郊擔囊行採薪芥水持作糜

魏武帝飛雪斷道冰成梁柳宗元清如玉壺冰鮑明遠霜威朝

折綿風力夜冰酒山谷

古今事實

受命飲冰

葉公子高曰吾朝受命而夕飲冰莊人間世

能夏造冰

老成子學幻於尹文先能翻枝四時夏造冰列子

書無冰

襄二十八年春無冰注時天下諸侯大夫皆執國權君不能制
誅罰不行周失之舒秦失之急故周衰無寒歲秦末無燠年

書木冰

成十六年雨木冰劉歆以為上陽施不下通下陰施不上達故
雨而木為之冰

潭沱冰合

光武至薊上王朗使至上發薊晨夜馳至下曲陽潭沱河道吏

還言河水流漸無船不可渡遣王霸往視實然霸恐驚衆即還
白冰堅可渡比至冰果可乘帝遂得渡河

冰山

或勸進士張彖謁楊國忠曰見之富貴可立圖象曰君輩倚楊
右相如泰山吾以為冰山耳若皎日既出君輩得無失所待乎
遂隱居嵩山本傳

樹介又見外門詩話

永徽二年十一月陰霧凝凍封樹木數日不解劉向以為木少
陽也人將有害則陰氣脅木先寒故得雨而冰亦謂之樹介介
兵象也本紀

海水冰

長慶元年二月海州海水冰南北二百里東望無際本紀

玩冰筋

開元冬日雪霽寒結簷溜皆為冰條妃子使侍兒取玩帝晚朝
回問之答曰所玩冰筋也遺事

冰山圍坐見秋日門

冰紋成樹

景福中滄州城墜中冰有紋如畫大樹華葉芬敷時人以其地
當有兵難長編

敲冰者茗

逸人王休居太白山每冬取溪冰者建茗共賓客六帖

古今文集

古詩

明冰篇

富嘉謀

北陸蒼茫河海疑，南山闌干晝夜冰。素彩峨峨明月升，深山窮
 谷不自見。安知採斲備嘉薦，陰房涸返掩寒扇。陽春二月朝始
 噉，春光潭沲度千門。明冰時出御至尊，彤庭赫赫九儀備。腰玉
 煌煌千官事，明冰畢歲周在位。憶昔沙朔寒風漲，崑崙長河冰
 始壯。漫汗峻嶒積亭障，嗚嗚江上來。禁苑池臺冰復開，搖
 春涵綠映樓臺。幽歌七月王風始，明冰戲用昭物軌。四時不忒
 千萬禩。

木冰

老病不眠知夜寒，長興薄冰滿庭前。枯榆老柳變精妍，細柳如

苗。風如椽，風歛碎玉落紛然。冰裹榭葉誰雕鐫，鄰家父老呼東
 垣。欲沽官酒囊無錢，我亦強起試一觀。樹稼不見今十年

長嘯巖中得冰敲食甚佳

程伯淳

車倦人煩渴思長，巖中冰片玉成方。老仙笑我塵勞久，乞與雲
 膏洗俗腸。

樺子敲冰

楊廷秀

樺子金盆照曉冰，彩絲穿取當銀鉦。敲成玉磬穿林響，忽作玻
 璃碎地聲。

雨

羣書要語：雨水從雲下也。雨者輔也。言輔時生養。釋名：暴雨謂

事文類聚前集 卷之五

之凍。小雨謂之霰。霖時雨曰澍雨。三日以往為霖。久雨曰淫雨。

與雪雜下曰霰。爾雅疾雨曰驟雨。徐雨曰零雨。久雨曰苦雨。亦

曰愁霖。雨水曰潦。雨雲曰滃。纂要蕭時雨若洪範有滃淒淒與

雨祁祁。詩月離于畢。裊沍矣。詩太平之時雨不破塊。旬而一

雨。雨必以夜。鹽鐵論太平之時五日一風。十日一雨。王充論衡

雨師屏翳。風伯飛廉。漢郊祀志注赤松子神農時雨師。列仙傳

玄冥雨師。風俗通唐俚語云春雨甲子赤地千里。夏雨甲子乘

船入市。秋雨甲子禾頭生耳。冬雨甲子牛羊凍死。朝野僉載皇

天淫溢而秋霖兮。后土何時而得乾。楚辭鸛鳴于垤。將陰則穴

之東蟻封穴戶。大雨將至。易林驟雨不終日。莊子道至天者祥

風起。甘雨降。雨霽而陰暄者謂之甘雨。論衡六月有大雨名濯

枝雨。風土記夏至前雨為黃梅雨。沾衣服皆敗黧。又埤雅云今

江湘二浙四五月間梅欲黃落則水潤土溽。柱礎皆汗。蒸鬱成

雨。謂之梅雨。故自江以南二月雨謂之迎梅。五月雨謂之送梅。

同上

詩句密雨散如絲。晉張勳炊爨不復舉。竈中生蛙蝦。傅玄蒼生

憂其魚。南畝多被水。荆公白雨映寒山。森森似銀竹。李白黑雲

玄甲駐。鐵騎冷官馳。后山

古今事實

河伯行雨

西海上有人乘白馬。朱鬣白衣玄冠。從十二童子。馳馬如飛。名

曰河伯。使者其所至之國。雨水滂沱。神異記

事類彙編卷之五

商羊鼓舞

齊有一足之鳥飛公朝下于殿前舒翅而跳齊便遣使訪孔子孔子曰此鳥名商羊昔童兒有屈其一足振訊兩臂而跳且謡曰天將大雨商羊鼓舞今齊有之其應至將有水為災家語

天鳴而雨

中和二年浙西天鳴聲如轉磨無雲而雨占曰無雲而雨是謂天泣五行志

雨寶珠

梁大同中嘗驟雨殿前往往有雜色寶珠梁武帝觀之有喜象虞奇因上瑞雨頌云飛甘洒潤玉散珠聯初學記作盧昂道

古今文集

古詩

秋雨歎

杜甫

蘭風長雨秋紛紛四海八荒同一雲去馬來牛不復辨濁溼清渭何當分

禾頭生耳黍稷黑農夫田父無消息城中斗米抱衾裯相許寧論兩相直

又

長安布衣誰比數反鎖衡門守環堵老夫不出長蓬蒿稚子無憂走風雨

雨聲颼颼催早寒胡馬起濕高飛難秋來未曾見白白泥汚后土何時乾

雨夜吟

杜甫

屋小茅乾雨聲大自疑身著蓑衣臥無是孤舟夜泊時風吹折葦來相佐我有愁於無可那纔成好夢剛驚破背壁寒燈不及螢重挑却向燈前坐

愁霖歌

李沆

西方龍兒口猶乳初解驅雲學行雨縱然羣陰駕老虬寸水蹄涔盡奔注

葉破苔黃未休滴膩光透長庭莎色恨無長劍二千仞割斷

雲看晴瑤

雨

韓渥

坐來瑟瑟山風急山雨隨風脂原隰樹帶繁聲出竹間溪將太點穿離人節婦寒翹布領寒牧童擁茸蓑衣濕此時高味共誰論掩鼻吟詩空佇立

久雨

王介甫

煤炷着天無寸空白沫上岬吹魚龍羲和推車出不得河伯欲取山為宮城門晝開眠百賈饑孫得糟夜餓翁老人慣事少所恠看屋箕踞歌南風

喜雨

歐陽永叔

大雨雖滂沛隔微分晴陰小雨散浸淫為潤廣且深浸淫苟不

止利澤何窮已無言雨大小小南農衣喜宿麥已登實新禾未
抽秧及時一日雨終歲飽豐穰夜響流簾窻晨輝霽蒼涼川原
淨如洗草木自生光童稚喜瓜芋耕夫望陂塘誰云田家苦此
樂殊未央

大暑舟行合山道中雨驟至靈奔龍掛可駭偶成古

詩

范至能

噴雲霧前驅連鼓訇後殿駸駸失高丘擾擾暗古縣白龍起幽
壑黑霧佐神變盆傾耳雙聾斗暗目四眩帆重腹逾飽榜潤鳴
更健圓漪暈雨點濺滴走波面伶俜愁孤鴛颺閃亂饑燕麥老
枕水臥秧穉與風戰牛蹊及城沉蟻隧洶銜建水車競施行歲
事敢休宴啞啞嘯篁鳴輾轉連鎖轉駢頭立婦子列舍望宗件

東枯駭西潰寸涸驚尺澆嗟余豈能賢與彼亦何辨扁舟風露
熟半世江湖徧不知憂稼穡但解加餐飯遙怜老農苦敢厭游
子倦

律詩

春夜雨

杜甫

好雨知時節當春乃發生隨風潛入夜潤物細無聲野徑雲俱
黑江船火獨明曉看紅濕處花重錦官城

雨

李嶠

西北雲膚起東南雨足來靈童出海見神女向山回斜影風前
合圓紋水上開十旬無破塊九土信康哉

雨

杜牧

連雲接塞添迢遞，洒幕侵燈送寂寥。一夜不眠孤客耳，主人窓外有芭蕉。

聽雨

王建

今年思家客裏愁，雨聲落落屋簷頭。照泥星出依然黑，澹燭庭花不肯休。
姚令威叢書詠云：乾星照濕土，來日依舊雨。

禱雨

喜雨附

羣書要語 土龍致雨 淮南子 甲乙日不用命為青龍，東方小童舞之，丙丁不用命為赤龍，南方壯者舞之，戊己不用命為黃龍，中央壯者舞之，庚辛不用命為白龍，西方老人舞之，壬癸不用命為黑龍，北方老人舞之。如此不用，潛處闔南門，置水其外，開

北門，取人骨埋之。如此不用，命巫祝而曝之。曝之不用，神山積薪擊鼓而焚之。神農求雨書 太平之時，十日一雨，凡歲三十六

雨。此休徵時若之應。京房易候 鬱林郡山有池，池有石牛。歲旱

百姓殺牛，祈雨以半血和泥，泥石牛背，祠畢，天雨。洪注：石牛背

泥盡即晴。顧微廣州記

詩句 雲驅鐵騎下山，合雨挽銀河。夜傾 拼欄

古今事實

湯禱桑林

湯伐桀後，大旱七年。煎砂礫石，太史占之曰：當以人禱。湯曰：吾所為禱雨者，民也。若必以人禱，吾請自當。遂齋戒，剪髮斷爪，素車白馬，身嬰白茅，以身為犧牲，禱於桑林之野。持三足鼎，祝於

山川曰政不一與民失職與宮室營與婦謁盛與苞直行與讒夫昌與何不雨之極言未也而天大雨

宣王遇旱

雲漢尹吉甫美宣王也遇災而懼側身修行欲銷去之天下喜於王化復行故作是詩也俾彼雲漢昭回於天王曰於乎何辜今之人天降喪亂饑饉薦臻靡神不舉靡愛斯牲圭璧既卒寧莫我聽旱既太甚蘊隆蟲蟲不殄禋祀自郊徂宮上下奠瘞靡神不宗旱既太甚滌滌山川旱魃為虐如惔如焚我心癯身瘵心如無

祠神何益

齊景公時大旱乃召羣臣而問曰天久不雨民有饑色寡人欲

少賦歛以祠靈山可乎羣臣莫對晏子進曰此不可祠無益也夫靈山固以石為身草為髮天久不雨髮將焦身將蕪彼獨不欲雨乎祠之無益景公曰吾欲祠河伯可乎晏子曰夫河伯以水為國以魚鱉為民天久不雨百川將竭國民將亡矣誰獨不用雨乎祠之無益景公曰奈何曰避宮殿暴露與山靈河伯共其憂其幸而雨乎景公乃出野暴露三日天果大雨晏子春秋

暴巫為疏

魯歲旱穆公召懸子而問曰天久不雨吾欲暴巫而奚若曰天則不雨而暴人之疾無乃不可欤然則吾欲暴巫而奚若曰天則不雨而望之愚夫婦人以求之毋乃已疏乎卒為之徙市

天旱乾封

西漢郊祀志云夏旱公孫卿曰黃帝時封則天旱乾封三年上
乃下詔曰天旱意乾封乎其令天下尊祠靈星焉

積薪自焚

戴封字平仲遷西華令其年大旱禱請無獲乃積薪坐其上以
自焚火起而大雨速適嘆服謝承後漢書

方士養龍

使者甘宗所奏西域事云方士能神呪者臨泉禹步吹氣龍即
浮出長十數丈更吹龍輒縮至數寸乃撿取著壺中或有四五
龍以少水養之聞有旱處便賣龍往賣一龍直數十斤金發壺
中出龍著潭中復禹步吹之長十數丈須臾而雲雨四集抱朴子

檄召五星

魏管輅字公明過清河倪太守時天旱倪問雨期輅曰今夕當
雨樹上已有少女風樹間又有陰鳥和鳴又少男風起眾鳥亂
翔其應至矣倪不之信輅曰十六日壬子畢星中已有水氣又
作檄召五星宣布星符刺下東井告南箕使召雷公電父風伯
雨師須臾風雲並興玄雲四合大雨河傾

登岳而夢

後周達奚武以太保為同州刺史時旱武祀華山廟岳既高峻
人跡罕通武年逾六十攀藤而上晚不得還於岳上藉草而宿
夢一白衣執武手曰快辛苦甚相嘉尚武驚覺且而對雨
馬上行雨

事類彙編

卷之五

李靖徵時嘗射獵山中會暮抵宿一朱門家夜半聞扣門甚急見一婦人謂靖曰此非人世乃龍宮也今天符命行用二子皆不在欲奉煩頃刻間如何遂命黃頭被青驄馬又命取雨龍乃一小餅戒曰馬踐地嘶鳴即取餅中水一滴滴馬鬃上此一滴水乃地上三尺慎勿多也既而電掣雲間特連下三十餘滴此夜半平地水三丈玄怪錄

禱而必雨

唐段文昌師荆南或旱禱解必雨或久雨出遊必霽民為語曰旱不苦禱而雨雨不愁公出遊

雍盛蛇醫

王彥威鎮汴夏旱李札過汴因宴王以旱為言李醉曰欲雨甚

易爾可求蛇醫四頭石甕二枚每甕實以水浮二蛇醫以水蓋密泥之置於鬧處甕前後設席燒香選小兒十歲以下者十餘人執小青竹晝夜更擊其甕不得少輟王如言試之一日兩夜雨大注酉陽雜俎

龍吸硯水

有僧講經山寺常有一叟來聽問其姓氏曰某乃山下潭中龍也幸歲旱得開來此聽法僧曰公能救旱乎曰上帝封江湖有水不得輒用僧曰此硯中水可用乎乃就硯吸水徑去是夕雷雨大作遠視之雨悉黑水幕府燕閑

仁宗禱雨

慶曆間京師夏旱諫官王公素乞親行禱雨帝曰太史言月一

日當雨。一日欲出禱。公曰：臣非大史，是日不用。帝問故。公曰：陛下幸其當雨，以禱不誠，不可動。天臣故知不用。帝曰：明日禱。用醴泉觀。公曰：醴泉之近，猶外朝也。豈憚暑不遠出邪？帝每意動，則耳赤耳已盡。未厲聲曰：當禱。西太乙宮。公乞傳旨。帝曰：車駕出郊，不預告。卿不知典故。公曰：國初以虞非常，今久太平。預告使百姓望清光者，眾耳無虞也。諫官故不怠。從。明日特召王公，以從。日色甚熾，埃霧漲。天帝正色不怡。至瓊林苑，回望西太乙宮，上有雲氣如香煙，以起。少時雷雨至。帝却道遙輦御平輦，徹蓋還宮。明日召對，帝曰：朕自卿得雨，聞見錄。

蜥蜴求雨

熙寧中京師久旱。按古法，令坊巷以甕貯水，插柳枝，泛蜥蜴。小

兒呼曰：蜥蜴，蜥蜴，興雲吐霧，降雨。湧花放，汝歸去。時蜥蜴不能盡得，往往以蝎虎代之。入水即死。小兒更曰：愛苦冤苦我，是蝎虎似，恁昏沉，怎得甘雨。倦游雜錄

師興而雨 以下係喜雨

衛大早，卜有事於山川，不吉。甯莊子曰：昔周饑，克殷而年豐，今邢無道，諸侯無伯，天其或者欲使衛討邢乎。從之。師興而雨。左氏傳

行部雨降

漢百里嵩為徐州刺史，境內旱。嵩行部，車所經，其雨輒降。

雨隨車至

後漢鄭洪還淮陰，太守行春。大旱，隨車致雨。

決獄而雨

表安為楚相會楚王英事互相牽引拘繫者千餘人三年而獄不決坐掠幽而死者百餘人天用炎旱赤地千里安決獄事人人具錄其辭狀本非首謀為王所引應時理遣旬之中延于人之命其時甘雨滂沛歲大豐稔汝南先賢傳

呼御史雨

唐顏真卿為監察御史使河隴時五原有冤獄久不決天且旱真卿辨獄而雨郡人呼御史雨

古今文集

雜著

象化

半僧孺

象龍禱雨三月不應巫病民盜王甚愁儒有言曰王無愁也象之誤也夫龍善化雨而特在乎天天使雨龍得化不使雨龍不得化聖人象龍而救民是乃象其化者也龍之性善學者人之心故象性莫若心而已使性非心可象則鳴鳩之性切而木刻鳴鳩足以象切耶獬豸之性觸而理飾獬豸冠足以象觸邪龍以性善化而龍於化人者衣裘則其象不以土木亦明矣湯以是龍其聰而深無不聞也龍其明而高無不見也言若出為靈而物仰之有陰智若躍乎淵而物觸之有潤天而不雨百姓祝王為雨也雖七歲炎炎不聞有咨者而况三月哉

移雨神

司空圖

夏滿不雨民前後走神所刻羊豕而跪乞者凡三而後得請民

大喜且將報祀。愚獨以為惑何者？天以神乳育百穀，必時既置，然後民相率以勞神之勤於事而祀焉。今始恡其施以愁疲民，是神忘天之職也。必希民之求而遂應，是神玩天之權也。既應而俾民輸怨於上，歸惠於己，是神攘天之德也。推怨何以爲義，利腥膻之饋何以爲仁？念天下之事，何以爲敬？蔑是數者，何以爲神？假曰非吾所得，顧然知民之情而不時請於上，是亦徒偶於位。此愚所以惑也。噫！天不可終慢，民不可久侮，竊爲神危之奈何。

風雨對

羅隱

風雨雪霜天地之所權也。山川藪澤鬼神之所託也。故風雨不時則歲有饑饉，雪霜不時則人有疾病。然後禱山川藪澤以致

之則風雨雪霜果爲鬼神所有也。明矣。得非天之高不可以自理而寄之山川，地之厚不可以自運而憑之鬼神，苟祭祀不時則饑饉作，報應不至，則疾病生。是鬼神用天地之權也。而風雨雪霜爲牛羊之本矣。復何歲時爲復？何人民爲？是以大道不出懼其弄也。大政不問下懼其偷也。天欲何言。

古詩

祈雨

杜牧之

東堤黑風駕海水，海底卷上天中央。錚棧雷車轍軸壯，矯攫蛟龍爪尾長。神鞭鬼御載陰帝，來往噴洒何顛狂。四方歲騰玉京仗，萬里橫牙羽木槍。

祈雨

蘇子瞻

長笑蛇醫一寸腹。衞水吐電何時足。蒼鷺無罪亦可憐。斬頭橫
盤不敢哭。豈知泉下有猪龍。臥枕雷車踏陰軸。前年太守為旱
請。雨點隨入如撒菽。

祈雨

蘇子瞻

常山山人信英武。馮駕雷車呵電母。山中歸時風色變。中路已
覺商羊舞。夜惚騷騷開松竹。朝畦泫泫流膏乳。庶將積潤掃餘
孽。收拾豐歲還明主。

律詩

柳州祈雨

韓愈

乞雨女郎魂。魚羞藻且繁。廟開鼯鼠叫。神降越巫言。旱氣期銷
蕩。陰官想駿奔。行看五馬入。蕭颯已隨軒。

井

韓愈

居然鱗介不能容。石眼環環水一鍾。聞說旱時求雨澤。只疑蛟
蚪是蛟龍。

觀祈雨

李約

桑修無葉土生烟。簫管迎龍木廟前。朱門幾處看歌舞。猶恐春
陰咽管絃。

雜著 以下係喜雨

喜雨亭記

蘇子瞻

亭以雨名。志喜也。古者有喜則以名物。示不忘也。周公得禾以
名其書。漢武得鼎以名其年。叔孫勝狄以名其子。雖其喜之大
小不齊。其示不忘一也。余至扶風之明年。始治官舍。為亭於堂

之北而鑿池其南引流種樹以為休息之所是歲之春雨麥於岐山之陽其占為有年既而彌月不用民方以為憂越三月乙卯乃雨甲子又雨民以為未足丁卯大雨三日乃止官吏相與慶於庭商賈相與歌於市農夫相與抃於野憂者以樂病者以愈而吾亭適成於是舉酒於亭上以屬客而告曰五日不用可乎曰五日不用則無麥十日不用可乎曰十日不用則無禾無麥無禾歲且薦饑獄訟繁興而盜賊滋熾則吾與二三子雖欲優游以樂於此亭其可得耶今天不遺斯民始旱而賜之以雨使吾與二三子得相與優游而樂於此亭者皆雨之賜也其又可忘耶既以名亭又從而歌之曰使天而雨珠寒者不得以為襦使天而雨玉飢者不得以為粟一雨三日伊誰之力民曰太

守太守不有歸之天子天子曰不然歸之造物造物不肯以為功歸之太空太空冥冥不可得而名吾以名吾亭

元豐行示德逢

王介甫

四山條條映赤日田背坳如龜兆出湖陰先生坐草堂看踏溝車望秋實雷蟠電掣雲滔滔夜半載雨輸亭臯旱禾秀發埋牛虎豆死更蘇肥莢毛倒持龍骨掛屋敖買酒澆客追前勞三年五穀賤如水今見西成復如此元豐聖人與天通千秋萬歲與此同先生在野固不窳擊壤至老歌元豐

律詩

喜雨

韓稚圭

何假嗔雷擊怒桴默然嘉澤決民區經時亢隔羣心駭數月焦

熬一陣蘇已發宋苗安在堰再生莊紂不虞枯須更慰蒲三農望歛却神功寂似無

旱

羣書要語水干土則大旱繁露旱之言悍也陽驕寒所至也春秋考異七八月之間旱天油然作雲沛然下雨則苗勃然興之矣孟子頃者炎旱日更增甚沙礫銷鑠草木焦卷處涼臺而有鬱蒸之煩浴寒冰而有灼爛之慘宇宙雖廣無陰以慰應休璉與岑文書司巫若國大旱則率巫而舞雩周禮南方有久長二三尺袒身而目在頂上走行如風名曰魃所見之國大旱赤地千里一名貉遇者得之投溷中乃死旱灾油也神異經借常賜若注君

行僭差則常賜順之洪範爍石流金楚詞龍見而雩左傳雩者為旱求也穀梁旱所謂常陽不謂常陽而謂旱者以為灾也旱之為言乾萬物傷而乾不得水也君持亢陽之節暴虐於下故旱灾應也洪範五行傳大旱金石流土山焦而不熟莊子

古今事實

僖公閔雨

魯僖公夏四月不雨言不雨者閔雨也閔雨者有志乎民者也

富弘羊

武帝時歲小旱上令百官求雨太子太傅卜式曰今桑弘羊令吏坐市列販物求利烹弘羊天乃雨

祭孝婦家

東海有孝婦。少寡無子。養姑甚謹。姑告鄰人曰。孝婦養我勤苦。哀其無子。守寡我老。父累無子。壯奈何。遂自經。死。姑女告吏。婦殺我母。吏捕孝婦。婦誣服。郡中枯旱三年。後太守至。殺牛。自祭。孝婦家因表墓。天立大雨。歲熟。

繪坼屋圖

鄭俠見荆公言青苗之害。不答。久之。得監在京安。上門會太旱。自十月至于三月。河東河北陝西流民大入京師。與城外飢民市麻。糶麥。麩為之糜。或掘草根。採木實以食。俠上疏曰。今天下憂苦。質妻鬻女。父子不保。坼屋伐桑。爭貨于市。輸官糶米。皇皇不給之狀。繪為一圖。此臣安上門日所見。百不及一。陛下觀臣之圖。行臣之言。十日不雨。乞斬臣以正欺罔之罪。

綠衣言事

朝奉郎杜球言。永熙幸佛寺塔廟。禱雨。至天慶。二館起居。因駐轡。問曰。夫久不用。奈何。或對天數。或對至誠。必有應。一綠衣少年。越次對曰。刑政不修。故也。上領之。而行歸。復駐轡。召綠衣者。問狀。對曰。某所守。臣犯賊。法當配。宰相以親。則不配。某所守。臣犯賊。不當。死。宰相以嫌。卒死之。翌日上為罷宰相。天即大雨。綠衣者。寇萊公也。塵史

古今文集

雜著

旱解

盛均文粹

涪灘歲越。垠曠旱。塞諸陽。遷帝不用祈。山川庶神。又不用觴土。

事類彙編

卷之五

後漢書

龍舞巫覡愈不用或言邦有術人能捕退龍而諫之昔歲嘗然
農剩其澤及召術人至而旱色如故太守怒亟命榜之術人道
去矣其遺囊有書一幅且曰旱有二曰天旱國旱人旱曷為天
旱寒陽肆凶下土祗慎雖六七歲黎人不飢曷為國旱君道熾
灾德涸仁枯貪風暴氣蒸為時厲曷為人旱邦燬其政吏賊其
行千里人心燥不為陰天天旱求諸仁仁洽而時豐國旱求諸
德德潤而澤流人旱求諸政政清而俗阜貪貨遊于上刑黷于
下百姓焦愁結成狼暑所謂人旱也邦守不清其政而逮龍貨
雨是猶乘攢適海豢羊望翼於何可冀乎太守得書增怒是歲
正月不用至五月明年殍死者數千人而太守亦以財禍

訟風伯

韓愈

維茲之旱兮其誰之由我知其端兮風伯是尤山升雲兮澤上
氣雷鞭車兮電搖楫雨寢寢兮將欲墜風伯怒兮雲不得止腸
烏之仁兮念此下民閱其光兮不闕其神嗟風伯兮其將謂何
我於爾兮豈有他求其時兮修祀事羊甚肥兮酒甚旨食足
飽兮飲足醉風伯之怒兮誰使雲屏屏兮吹使醢之氣將交兮
吹使離之鏢之使氣不得化寒之使雲不得施嗟爾風伯欲逃
其罪其又何辭上天孔明兮有紀有綱今我上訟兮其罪誰當
天加誅兮不可悔風伯雖死兮人誰爾傷

古詩

檢覆郊城旱田不同官及寄河南諸賢

劉貢父

昔歲歉無年。今麥仍薦飢。罷民去南畝。賤價捐東菑。籍籍道路間。餓者何纍纍。藜藿不充腸。蕭然旄與倪。嗟我祿代耕。每食爲不怡。徒懷仲由志。身賤那得施。屬城上民訟。比牒皆苦詞。奉詔實有無。百聞謝一窺。星言說桑田。行與父老期。觸熱不敢休。重趼寧告疲。郊原赤如赭。秉穗無了遺。復藝不可分。四菊生荏藜。流行誠代有。愚弱豈易欺。附上亦有刑。殘下罪攸司。鄙夫不忍此。告吏咸赦之。庶茲咻噢恩。足以蘇樛蔭。大農急經費。言利抗毫釐。三吾猶不足。一切寧謂宜。國僑敏爭承。鄭邑用不危。馮驩焚券書。田氏人若歸。區區一小邦。兩士能若斯。當官在必行。匪石安可移。諸公悉吾友。此志良弗非。當今徇路人。一聽狂者詩。

早謠

張文潛

十月不雨井水渾。孤城烈日風颺塵。楚天萬里無纖雲。旱氣塞空白晝昏。土龍蜥蜴竟無神。田中水車聲相聞。努力踏車莫厭勤。但憂水勢傷禾根。道傍執送者何人。稻塍爭水殺厥鄰。五湖七澤水不貧。正賴老龍一屈伸。

蝗

羣書要語 食苗曰蝻。食葉曰蝻。食根曰蝻。食節曰蝻。四蝗蟲名也。兩雅 蝗蝻也。一名蝻。一名蝻。說文 蝻負蝻虫也。左傳注 去其蝻。蝻及其蝻。賊無害我田。稔田祖有神。秉畀炎火。詩 蝗蝻腹下有梵字。雜俎 蝗是魚子。在水中化爲之。秦伯嘗云。

詩 始自兩河及三輔。薦食如蚕。飛似魚。樂天捕蝗遺蝗入地。

聖文類聚前集 卷之五 應千尺 東坡雪詩

古今事實

茅茨食盡

雨蝨于宋外灾不書此何書灾甚也奈何茅茨盡也穀梁

蝗飛入海

馬援為武陵太守郡連有蝗援賑貧羸薄賦稅蝗飛入海化為

魚蝦東觀漢記

蝗不入境

魯恭為中牟令飛蝗避境○宋均為九江守山陽楚沛多蝗至

九江輒四散

捕蝗得錢

漢平帝時蝗詔使者捕蝗人能捕蝗詣吏者以石斗受錢

太宗吞蝗

正觀間京畿旱蝗食稼太宗在苑中撥蝗吞之曰但當食朕無害百姓是歲蝗不為患

姚崇捕蝗

開元間山東大蝗姚崇奏詩云秉畀炎火此除蝗之義也乃出御史為捕蝗使分道殺蝗倪若水上言除天灾者當以德昔劉聰除蝗不克而害愈甚宗移書誚之曰聰偽主德不勝妖人妖不勝德若水懼乃縱捕得蝗十四萬石時議者喧譁崇曰計蝗縱不能盡不愈於養以遺患乎帝然之盧懷謹曰天灾安可以人力制且殺蟲多必戾和氣願公思之崇曰昔楚王吞蛭而厥

疾疫叔敖斷蛇而福乃降今蝗幸可驅若縱之穀且盡如百姓何殺蟲疫之禍歸於崇不以譏公也蝗害訖息

捕蝗易粟

五代晉出帝天福間募民捕蝗易以粟備史

蝗死不賀

祥符九年飛蝗過京城上詣玉清宮靈感塔焚香祈禱禁宮城音樂三日先是上出死蝗示大臣翼日執政有袖死蝗以進者請示於朝率百官賀王曰蝗出於災災弭幸也又何賀焉固不可乃止於是二府方奏事飛蝗救天上曰使百官方賀而蝗若此豈不為天下笑耶

飛蝗墮水

趙抃守青州時山東早有蝗自青齊及境遇風退飛墮水而盡言行錄

古今文集

古詩

答朱察捕蝗詩

歐陽永叔

捕蝗之術世所非欲究此語與於誰或云豐凶歲有數太僕未可人力支或言蝗多不易捕驅民入野踐其畦因之姦吏恣貪擾戶到頭歛無遺蝗火食留民自苦吏虐民苗皆被之吾嗟此語祇知一不究其本論其皮驅雖不盡勝養患昔人固已決不疑秉蠹投火况舊法古之去惡猶如斯既多而捕誠未易其失安在常由遲說說最說子孫衆為腹所孕多蠹蟻始生朝畝

暮已頃化_レ為百無根涯口含鋒刃疾風雨毒腸不滿疑常饑
高原下隰不知數進退整若隨金鷲嗟茲羽孽物共惡不知造
化其誰尸大凡萬事悉如此禍當早絕防其微蠅頭出土不_レ急
捕羽翼已就功難施只驚羣飛自天下不究生子由山陂官書
立法空大峻吏患畏罰反自欺蓋歲十不敢申_レ上心雖側何
由知不知實法擇良令告蝗不隱捕以時今苗因捕雖踐死明
歲猶免為蠛災吾嘗捕蝗見其事較以利害曾深思官錢二十
買_レ一斗示以明信民爭馳_レ歛微成眾在人力頃刻露積如京坻
乃知孽蟲雖甚眾嫉惡苟銳無難為往時姚崇用此議誠哉賢
相得所宜因吟君贈廣其說為我持之告採詩

詩話

詩刺荆公

荆公罷相出鎮金陵時飛蝗自北而南江東諸郡皆有之百官
餞荆公於城外劉貢父後至追之不及見其行榻上有一書屏
因書_レ絕以寄云青苗助役兩妨農天下嗷嗷怨相公惟有蝗
蟲偏感德又隨台旆過江東 伯宅編

荒歲

羣書要語 一穀不升謂之歉 二穀不升謂之饑 三穀不升謂之
饑 四穀不升謂之荒 五穀不升謂之太侵 太侵之禮君食不兼
味臺榭不塗弛候廷道不除百官修而不制鬼神禱而不祀 穀
梁以荒政十一聚萬民 一曰散貨利 二曰薄征 三曰緩刑 四曰

弛力五日舍禁六曰去幾七曰省禮八曰殺哀九曰蓄樂十日多婚十一曰索鬼神十二曰除盜賊周禮穀不熟為饑蔬不熟為饑果不熟為荒仍饑為薦爾雅民無菜色王制野有餓殍五振廩勸分左敝邑易子而食析骸以爨宣十五嗷嗷蒸人聚泣田畝德宗實錄

詩句民貧更勸分山谷

古今事實

后稷濟饑

稷思天下之饑者猶已饑之

矯詔開倉

見水來門

歲荒禁酒

蜀大旱先主禁酒有釀具並去之詳見禁釀門唐初無酒禁乾

元元年京師酒貴肅宗以廩食方屈乃禁京城酤酒期以麥熟

如初二年饑復禁酤

餉錢賑饑

劉凝之傳荆州年饑衡陽主義李慮疑之餒餉錢十萬疑之大喜將錢至市門觀饑者悉分之

一尉賑饑

唐貞羊千為武陽尉歲旱勸令發倉賑民令不從及令謁州羊千悉發之下賴以濟太守怒囚于獄會薛元超持節渡河議太守曰君有民不能恤使惠出一尉尚何罪釋之

賑濟鄉里

唐張萬福為泗州刺史魏州饑父子相食萬福曰魏州吾鄉里安忍其困令兒子將米百車饑之

趙公賑饑

熙寧九年夏吳越大旱知越州趙公拊前民之未飢為書問屬縣所被災者一萬二千九百餘人公斂富人所輸及僧道食之羨者得粟四萬八千餘石又為之出官粟得五萬二千餘石或給或糶又使民完城四千二百丈南豐作救災記

范公賑饑

景祐二年吳中大饑范仲淹鎮浙西發粟募民給餉為術甚備監司奏劾公於杭州不恤荒公乃自為條叙所以宴游及興造皆欲以有餘之財以惠貧者貿易飲食工役服力之人仰食於

公私者日無慮萬數荒政之施莫此為大筆談

蘇公賑饑

杭州大旱蘇軾請于朝免本路上供米三之一故米不翔貴復得賜度牒百易米以救飢者又立病坊作髓粥藥劑遣吏按醫分坊治病活者甚衆

不增米價

趙清獻知越州兩浙旱蝗米價踊貴餓死者十五六諸州皆榜衢路立賞禁入增米價公獨榜衢路令有米者任增價糶之於是諸州米商輻輳詣越米價更賤民無飢死者記聞

區處流民

富公弼知鄆州自鄆移青會河朔大水民流京東擇所部豐稔

者三州勸民出粟得十五萬斛益以官廩隨所在貯之得公私廩舍千餘萬間散處其人以便薪水山林河渡之利有可取以爲生者聽流民取之其主不得禁凡活五十萬人募而爲兵者又萬餘人上聞之即拜禮部侍郎公曰救災守臣職也辭不受前此救災者皆聚民城郭中煮粥食之聚爲疾疫或待次數日不食得粥皆僵仆名爲救之而實殺之自公立法簡便天下傳以爲法 神道碑

爲糜眼饑

陳文惠公堯佐知壽州遭歲大饑公自出米爲糜以食餓者吏民以公故皆爭出米其活數萬人公曰吾豈以是私惠耶蓋以令率人不若身先而使其從之樂也 神道碑

特寬鹽禁

張忠定公詠知杭州是時歲飢民鬻禁販鹽捕獲者數百人公悉寬其罰且屬執言不可公曰錢唐十萬家餓殍如此若鹽禁益嚴則聚而爲盜患益甚矣俟秋成敢爾當痛以法繩之境内幸以無擾 神道碑

新米互易

吳遵路明道末天下旱蝗遵路知通州乘民未飢募富者得錢幾萬貫分遣衙校航海糴米於蘇秀使物價不增又使民採薪蒭官爲收買以爲直糴官米至冬大雪取以元價易薪蒭與民官不傷財民且蒙利 厚德錄

不俟奏請

事文類聚前集

卷之五

五

范公堯夫知慶州餓殍滿路官無穀以賑恤公欲發常平封椿粟麥濟乏州郡皆欲俟奏請得旨而後散公曰人七日不食即死何可待報諸公但勿預吾寧獨坐罪言行錄

夢黃承事

張忠定公詠在成都府嘗夜夢謁紫府真君接語未久吏忽報請到西門黃兼濟承事以幅巾道服而趨真君降階接之禮頗隆盡且揖張公坐承事之下詢顧詳欵似有欽嘆之意公翌日即遣典客詣西門請黃承事者戒令具常所衣服來比至果如夢中所見公即以所夢告之問平日有何陰德蒙真君厚遇如此且居某之上座耶兼濟云無他長惟每歲遇未麥熟時以錢三萬緡收糴至明年未麥未熟小民艱食之際價直不增升斗

亦無高下在我者初無所損而小民得濟所急公曰此承事所以坐某之上也令索公裳二更掖之使端受四拜黃公後齋蕃衍至今在仕路者比比青紫厚德錄

賑饑無術

王荊公參政方得君銳意於政事多不待奏者淮浙大飢人相食朝堂督安撫監司賑濟李溥為發運使移檄郡縣以厚朴炒豆為屑開饑民胃口多造紙襖以衣貧民榜勸諭富民施錢以種福田或謂曰東南之民胃口既開又得紙襖為衣無得福田居之不須慮也監司大慙臺章聞上盡行除黜聞見別錄

建社倉

乾道間朱文公作社倉於建使貧民歲以中夏受粟於倉冬則

聖文類聚前集 卷之五
加息什二以償歲小不收則弛其息之半。大侵則盡弛之。期以數年。子什其母。則惠足以廣。而息遂措。以予民行之累年。人以爲便。社會記

賑濟出令

或言辛幼安帥湖南賑濟榜文。祇用八字。曰。劫禾者斬。閉糶者配。先生曰。這便見他有才。此八字做兩榜。便亂道。又曰。要之只是粗法。朱語錄

古今文集

雜著

辭免賑濟有勞進職直秘閣劄子

朱元晦

右某準九月五日尚書省劄子。備坐某前狀所乞。寢罷新除直秘閣恩命事奉。聖旨不許辭免者。某仰戴聖恩。不勝感激。雖未敢即自祇受。謹已望闕稱謝。訖但某狀內所稱。某雖至愚。於此有不能安者。正爲南康軍保明勸諭。到稅戶張世亨。獻米五千石。賑濟依格。合補承節。即進士張邦獻。獻米五千石。賑濟依格。合補迪功。即稅戶劉師興。獻米四千石。依格。合補承信。即一節未蒙戶部依格。放行恩賞。乞賜敷奏。施行。今來所隸省劄內。却刪去此項。事理某切恐區區愚昧。迫切之誠。未得仰關天聽。其合推賞各人。依舊未得。恐被聖恩。則某於義亦難祇受。又况目今諸路水旱。廣闊公家所積。已經發散。所餘無幾。全賴富民獻米。賑

恤若見朝廷施行如此誰肯應募助國救民兼某見蒙改除提
 舉浙東常平公事當此凶歲專以救荒為職若此所乞依格推
 賞不蒙施行不惟失言於南康舊治亦無面目可見浙東之民
 將來必致誤事上貽仁聖宵旰之憂某雖萬死不足塞責欲望
 朝廷詳酌特賜敷奏詳某前狀所陳將南康所奏稅戶張世亨
 等各與照應元格早賜補授文武官資則上件因命不必加於
 某身而聖朝綜覈之政修於上遠近觀德有所激勸於下矣謹
 再具狀申尚書省伏候指揮

古詩

採菟此

鄭毅夫

朝携一筐出暮携一筐歸十指欲流血且急眼前饑官倉豈無

粟粒粒藏珠璣一粒不出倉倉中羣鼠肥

糴官粟有感

張文潛

持錢糴官粟日夕擁公門官價雖不高官倉常苦貧無并閉
 廩一粒不肯分何待官粟空騰價邀吾民坐視既不可禁之亦
 紛紜擾擾田畝中鼓腹才幾人我欲究其原宏濶未易陳哀哉
 天地間生民常苦辛

新編古今事文類聚前集卷之五

事類類聚前集

卷之五

新編古今事文類聚前集卷之六

建安 祝穆 和父 編

金陵 唐富春 子和 刊

天時部

春

羣書要語春為青陽萬物發生爾雅少陽者東方東動也陽氣
 動物於時為春春蠢也物蠢生迺動運故為規前律歷志東方
 之神太皞乘震執規司春魏相傳立春後十五日斗指寅為雨
 水十五日指甲為驚蟄後十五日指乙為清明後十五日指辰
 為穀雨周天玉衡六問春日載陽有鳴倉庚詩

事文類聚前集

卷之六

五十三

詩句陽春布德澤萬物生光輝顏延年春色滿皇州結軫青郊

路選向陽花木易為春薛讎

古今事實

春省耕

春省耕而補不足夏諺曰吾王不遊吾何以休

春和議貸

前文帝詔曰方春和時草木羣生之物皆有以自樂而吾百姓或沾於死亡其議所以賑貸之

剪綵為花

隋煬帝築西苑宮木秋冬彫落乃剪綵為花葉綴於條常若春

宣詔花發

天授二年臘則天宣詔曰明朝遊上苑火急報春知花須連夜發莫待曉風吹凌晨各花皆發卓異記

羯鼓催花

明皇時春景明媚帝曰對此豈可不與他判斷命取羯鼓自製曲名春光好回顧柳杏皆發笑曰此事不喚我作天公可乎羯鼓錄

探春闔花

長安士女春時闔花以奇多者為勝皆以千金市名花植於庭中正月半乘車跨馬適郊野中為探春之宴天寶遺事

以帳蔽花

穆宗宮中花開以重頂帳蒙蔽置惜春御史之號曰括春

號移春檻

楊國忠子弟春時移名花植木檻中下設輪脚挽以綵組所至自隨號移春檻開元遺事

草青為春

突厥不知年曆唯以草青為記

油幕春遊

長安貴遊子弟每至春時遊宴供帳於園囿中隨行載以油幕或遇陰雨以幕覆之盡歡而歸天寶遺事

古今文集

雜著

春夜宴桃李園序

李白

夫天地者萬物之逆旅光陰者百代之過客而浮生若夢為歡幾何古人秉燭夜遊良有以也况陽春召我以煙景太塊假我以文章會桃李之芳園序天倫之樂事羣季俊秀皆為惠連吾人詠歌獨慚康樂幽賞未已高談轉清開瓊筵以坐花飛羽觴而醉月不有佳作何伸雅懷如詩不成罰依金谷酒數

占詩

春寒效李長吉體

歐陽永叔

東風吹雲海夫黑饑龍凍雲雨不滴噴雷隱隱愁煙白宿露無光瑤草寂東皇染花蒲春國天為花迷惜春色呼雲鎖月恐紅鴛幾日春陰春花魄悠悠遠絮繁空三擲愁思織春挽不得高樓去天無幾尺遠岫參差亂屏碧

江南春

寇平仲

波渺渺。柳依依。孤村芳艸遠。斜日杏花飛。江南春盡離腸斷。滿汀洲人未歸。

律詩 染雲

王介甫

染雲為柳葉。剪水作梨花。不是春風巧。何緣有歲華。

早春作

杜甫

力疾坐清曉。來詩悲早春。轉添愁伴客。更覺老隨人。紅入桃花嫩。青歸柳葉新。望鄉應未已。四海尚風塵。

春宮怨

杜荀鶴

早被嬋娟誤。欲粧臨鏡慵。承恩不在貌。教妾若為容。風暖鳥聲碎。日高花影重。年年越溪女。相憶採芙蓉。

春山夜月

于良史

春山多勝事。賞翫夜忘歸。掬水月在手。弄花香滿衣。興來無遠近。欲去惜芳菲。南望鳴鐘處。樓臺深翠微。

春日登樓懷歸

寇平仲

高樓聊引望。杳杳一川平。野水無人渡。孤舟盡日橫。荒村生斷靄。古寺語流鶯。花木遙清澗。況思忽有驚。

賞春

羅鄴

芳草和煙暖。更青侯門要路。一時生。年年點檢人間事。唯有東風不順情。

春

唐高瞻

明月斷魂清。靄靄綠蕪歸。思路迢迢。人生莫遣頭如雪。縱有春

風亦不銷

春晝偶書

寇平仲

白晝偶成芳艸夢起來幽興有新詩風簾不動黃鸝語坐見庭花日影移

夜直

王介甫

金爐香燼漏聲殘剪剪輕風陣陣寒春色惱人眠不得月移花影上闌干

春風

王介甫

春風過柳綠如縑晴日蒸紅出小桃池暖水香魚沒處一環清浪湧亭臯

春日

蘇子瞻

鳴鳩乳燕寂無聲日射西牕發眼明午醉醒來無一事只將春睡賞春晴

偶成

程伯淳

雲淡風輕近午天傍花隨柳過前川時人不識予心樂將謂偷閑學少年

春日

方干

年去年來似有期日高不睡是春時雖將細雨催蘆笋却用東風染柳絲重霧已應吞海色輕霜猶自挂花枝此時野客因花醉醉臥花間應不知

郊行即事

程伯淳

芳原綠野恣行時春入遙山碧四圍興逐亂紅穿柳陌因臨流

水至苔磯莫辭盞酒十分勸只恐風花一片飛况是清明好夫
氣不妨游衍莫忘歸

正月

羣書要語孟春之月日在營室昏參中且尾中其日甲乙其帝
太皞其神勾芒律中太簇東風解凍蟄蟲始振魚上冰獺祭魚
鴻鴈來是月也以立春盛德在木命相布德和令行慶施惠天
子乃以元白祈穀于上帝天氣下降地氣上騰天地和同草木
萌動王命布農事善相土地所宜五穀所殖以教導民命樂正
入學習舞禁止伐木毋覆巢毋殺孩蟲胎天飛鳥毋麇毋卵
令攝提正于孟陬楚辭正月為端月寶典正月為孟陽纂要招

攝提指魏黎季明書斗柄東指天下皆春鵝冠子孟春之月性

歲權輿和風初暢有移其給魏文帝登樓賦獻歲發春兮汨吾

南征獻進也楚辭三微月令陽氣始施萬物始動白虎通

古今事實

探春宴

都人士女正月半乘車跨馬郊野中為探春之宴天寶遺事

繫煎餅

江東俗號正月二十日為天穿以紅縷繫煎餅餌置屋上謂之

補天穿拾遺記

古今文集

正月樂辭

李賀

上樓迎春新春歸暗黃着柳官漏遲薄薄淡靄弄野姿寒綠幽
風生短絲錦床曉臥王肌冷露臉未開對朝暝官街柳帶不堪
折早晚苜蓿蒲勝縮結

立春

羣書要語先立春三日大史謁之天子曰某日立春成禮在木
天子必親帥三公九卿諸侯大夫以迎春於東郊月令立春之
日迎春於東郊車旗服飾皆青歌青陽舞雲輶之舞後祭祀志

古今事實

葭飛灰

立春之日以葭草灰實律之端氣至則灰飛續漢書

出土牛

月令季冬之月出土牛以送寒氣出猶作也丑為土牛季冬出

土牛以示農耕之早晚刑定月令立春前五日並造土牛耕夫

犁具於大門之外是日黎明有司為壇以祭先農官更各具綵

仗環擊牛者三所以示勸耕之意夢華錄

下寬大書

後漢立春之日下寬大之書禮儀志

春幡綵勝

後漢立春之日立春幡禮儀志唐制立春賜三賢官綵勝各有

差文昌雜錄

芒兒上廳

太平興國二年冬縣司以春牛呈知府就午門外安排薦以香
澄酒果其上兒嬉之頗精同判王洗馬晦伯慮有損闕移寘廳
上知府程給事見之謂同判曰某雖不才亦為刺史且芒兒者
耕墾之人不應上廳將來恐村夫輩或有不揆耳至甲午果有
順賊之變成都記

古今文集

律詩

立春

曹松

春日一杯酒便吟春日詩木梢寒未覺地脉暖先知鳥轉星沉
後山分雪薄時寧無剪花手贈與最芳枝
玉燭傳佳節陽和應此辰土牛呈歲稔綠燕表年春臘盡星回

次寒餘月建人梅花將柳色偏思越鄉人

立春

杜甫

春日春盤細生菜忽憶兩京梅發時盤出高門行白玉菜傳纖
手送青絲巫岫寒江那對眼杜陵遠客不勝悲此身未知歸定
處呼兒覓紙一題詩

古詩

郡中送春盤

楊廷秀

餽如繭紙不可風菜如縹茸劣可縫非芽捲黃苣舒紫蘆服削
冰寒脫齒臥沙壓玉割紅香部署五珍訪詩腸野人未見新曆
日分得春盤還大息新年五十奈老何霜鬢有鏡幾許多翅生
嗔人不解事且為春盤作春醉

詩話

食生菜

東晉李鄂立春日命以蘆葍片芽為菜盤相饋贈撫遺唐立春日春餅生菜號春盤四時寶鏡齊人月令立春日食生菜取迎新之意坡詩漸覺東風料峭寒青蒿黃韭試春盤又云蓼葍蒿筍試春盤

賜春花

唐景龍四年正月八日立春上令待臣迎春內出綵花樹人賜一枝冷學士賦詩宋之問云今年春色好應為剪刀催

戴春燕

立春日悉剪綵為燕以戴之王沂公春帖子云綵燕迎春入

飛輕寒未放縷金衣歐陽公云共喜釵頭燕已來鄭毅夫云漢殿闔簪雙綵燕併知春色上釵頭荆楚歲時記

帖子口占

溫成皇后初慶會立春進帖子是時歐陽修王瑀同在翰苑以其虛閣故不進俄有旨令進王瑀遽口占一首云昔聞海上有仙山烟鎖樓臺日月閑花下玉容長不老只應春色勝人間歐公嘆其敏麗隱居詩話

帖子規諫

翰林書待詔請春詞以立春日剪貼於禁中門帳皇帝問六篇其一曰漠然天造與時新根著浮流一氣均萬物不須雕刻巧正如恭已布深仁皇后閣五篇其一曰春衣不用蕙蘭薰領綠

無煩刺繡紋會在春官親織就方知縷縷盡辛勤夫人閣四篇
其一曰聖主終朝親萬幾燕居專事養希夷于門承書春本寂
不用車前插竹枝温公日錄

貼宜春字

立春日貼宜春字于門王沂公皇帝閣立春帖子云北陸凝陰
盡千門淑氣新年年金殿裏寶字貼宜春荆楚歲時記

金銀幡勝

立春日自郎官御史寺監長貳以上皆賜春幡勝以羅爲之宰
執親王近臣皆賜金銀幡勝入賀訖戴歸私第周美成春帖子
云鸞輅青旂殿閣寬祠官奠璧下春壇曉開魚鑰朝衣集綵勝
飄揚百辟冠夢華錄

五辛盤

安定郡王立春日作五辛盤以黃柑釀酒謂之洞庭春色坡詩
云辛盤得青韭臘酒是黃柑梅言

元日 元會附

羣書要語正月上日注朔日也書夏以半明爲朔殷以雞鳴爲
朔周以夜半爲朔故云三朔書大傳正月爲端月其一日爲上
日亦云三元歲之元時之元月之元玉燭寶典鮑宣傳云三始
如淳注正月一日爲歲之朝月之朝日之朝

詩句三杯藍尾酒一櫟膠牙錫樂天元日對酒藍尾事詳見飲

古今事實

爆竹驚鬼

西方深山中有人長尺餘犯入則病寒熱名曰山臊人以竹著火中燂燥有聲而山臊驚憚神異經爆竹燃艸起於庭燎荆楚歲時記

飲椒柏酒

正月一日是謂正日祭祀祖禰進酒降神畢乃室家尊卑大小以次列于先祖之前子婦曾孫各上椒酒于家長崔寔月令元日進椒柏酒椒是王衛星精服之令人身輕能走疢是仙藥進酒次第以年少者為先同上

飲屠蘇酒

元日服桃湯進數于散蓋桃者五行之精厭邪氣制百鬼令人

又進屠蘇酒膠牙餠荆楚歲時記

桃符畫神

東海度朔山有大桃樹蟠屈三千里其甲枝向東北曰鬼門萬鬼出入也有二神一曰神荼一曰鬱壘主閱領衆鬼之出入者執以飼虎於是黃帝法而象之因立桃板於門戶上畫神荼鬱壘以禦凶鬼此則桃板之制也蓋其起自黃帝故今世畫神像於板上猶於其下書左神荼右鬱壘以元日置之門戶也山海經黃帝上古之時有神荼鬱壘兄弟二人性能執鬼於度朔山桃樹下簡閱百鬼之無道者縛以韋索執以飼虎張平子東都賦云守以鬱壘神荼副焉風俗通蘇秦說孟嘗君曰土偶人語桃梗音更曰及子東國之桃木削子為人假以丹青用子以當

門戶之厲 戰國策

畫雞帖戶

正月一日帖畫雞戶上懸葦索於其上插符于每百鬼畏之荆楚歲時記舊時歲朔常設葦艾桃梗磔雞于官及百寺門以禳惡氣 沈約宋書

獻鳩放生

邯鄲之民以正月旦獻鳩於簡子簡子大悅厚賞之客問其故簡子曰正旦放生示有恩也客曰民知君之欲放之故競捕之死者衆矣君如欲生之不若禁民勿捕捕而放之恩不相補矣 列子

夢鍾馗

明皇開元講武驪山翠華還宮上不悅因店疾作書夢一小兒衣絳犢鼻跣一足履一足腰懸一履指一筠扇盜太真繡香囊及上王笛繞殿奔戲上前上叱問之小鬼奏曰臣乃虛耗也上曰未聞虛耗之名小鬼奏曰虛者望空虛中盜人物如戲耗即耗人家喜事成憂上怒欲呼武士俄見一大鬼頂破帽衣藍袍繫角帶靴朝靴徑捉小鬼先剗其目然後孽而啖之上問大者爾何人也奏曰臣終南山進士鍾馗也因武德中應舉不捷羞歸故里觸殿階而死是時奉旨賜綠袍以葬之感恩發誓與我王除天下虛耗妖孽之事言訖夢覺店疾頓瘳乃詔畫工吳道子曰試與朕如夢圖之道子奉旨恍若有睹立筆成圖進呈上視久之撫几曰是卿與朕同夢耶賜以百金 唐逸史

畫鍾馗

昔吳道子所畫一鍾馗衣藍衫鞞一足眇一目腰一笏巾裹而蓬髮垂鬚左手捉一鬼以右手第二指扼鬼眼睛筆蹟迥勁實有唐之神妙有得之者以獻僞蜀主甚愛重之常懸于內寢一日召黃筌令看之筌一見稱其精妙謝恩訖昶謂曰此鍾馗若拇指指鬼眼睛則更有力試為我改之筌曰吳道子所畫鍾馗一身之力氣色眼貌俱在第二指不在拇指所以不敢輒改筌今別畫雖不及古人一身之力意思併在拇指昶賞筌之能賜以綵段銀器野人閑話

除貧鬼

高陽氏子好衣敝食糜正月晦日巷死世作糜棄破衣是日祝

於巷曰除貧鬼韓文公送窮文亦云正月乙丑晦主人使奴星結柳作車縛草為船載糗與糧二楫窮鬼而告之唐四時寶鑑

令如願

有商人過清湖見清湖君君問所須有人教云但乞如願君許之果得一婢如願即其名也商有所求悉能致之後因正旦如願晚起商人棹之走入糞壤中不見今人正旦以細繩繫偶人投糞穢中云令如願歲時記

漢始元會以下係元會

漢高帝十月定秦遂為歲首七年長樂宮成制羣臣朝賀儀武帝改用夏正亦在建寅之朔則元日慶賀始於高祖也通典

魚龍之戲見福優門

辭病不朝

正月旦百官朝賀光祿勳劉嘉廷尉趙世各辭病不能朝高陽奏不敬請廷尉治嘉罪河南尹治世罪漢儀

戴憑重席

見席門

喫酒救火

見火門

酌白獸尊

魏武帝用漢儀元日百官上壽設白獸尊於殿庭能獻直言者則發此尊飲酒案禮白獸尊乃北齊之遺式也上施白獸蓋後代所為示忌憚也

古今文集

雜著

椒花頌

劉臻妻陳氏

璇宮週迴三朔肇建青陽散輝澄景載渙美哉靈花爰祿爰獻聖容映之永壽於萬

歲旦飲酒

洪景廬

今人元日飲屠蘇酒自小者起相傳已久然固有來處後漢李膺杜密以黨人同繫獄值元日於獄中飲酒曰正旦從小起時鏡新書董勛云正旦飲酒先飲小者何也勛曰俗以小者得歲故先飲酒賀之老者失時故後飲酒初學記載四民月令云正旦進酒次第當從小起以年小者起先唐劉夢得白樂天元日舉酒賦詩劉云與君同甲子歲酒讓先杯白云與君同甲子歲酒合誰先白又有歲假內命酒一篇云歲酒先拈辭不得被君

推作少年人顧况云不覺老將春共至更悲携手幾人全還丹
寂寞羞明鏡手把屠蘇讓少年裴夷直云自知年幾偏應少先
把屠蘇不讓春倘更數年逢此日還應惆悵羨他人成文幹云
戴星先捧祝堯觴鏡裏堪驚兩鬢霜好是燈前偷失笑屠蘇應
不得先嘗方干云纔酌屠蘇定年齒坐中皆笑鬢毛斑然則尚
矣東坡亦云但把窮愁博長健不辭最後飲屠蘇其義亦然
齊隨筆

京師舊俗

京師正月一日節開封府關撲三日士庶自早互相慶賀若正
旦大朝會車駕坐大慈殿有介冑長大四人立于殿角謂之鎮
殿將軍殿庭立朝賀儀仗百官皆冠冕朝服諸路舉人解首亦

士服立班其服一梁冠白袍青緣諸州進奏吏各執方物不獻
諸國使人太遠大使領金冠後層尖長如太蓮葉服窄紫袍金
蹀躞副使展裹金帶如漢服大使拜則立左足跪右足以兩手
着右肩為一拜副使拜以漢儀夏國使副高麗南番交州使人
並如漢儀回紇于闐三佛齊又有南蠻五姓番真臘大理太石
等國有時來朝賀其大遠使人在南都亭驛夏國在都亭西驛
高麗在梁門外安州館同文館回紇于闐在禮賓院諸番國在
瞻雲館或懷邊驛惟大遠高麗就館賜宴大遠使人朝見訖翌
日詣大相國寺燒香次日詣南御苑射弓朝廷旋選能射武臣
伴射就被賜宴三節人皆預焉先列報箭班十餘於梁子前使
人多用弩子射一畏無脚小幪頭錦襖子遠人踏開弩子舞旋

搭箭過與使人彼窺得端正止令使人發牙宋朝伴射用弓箭
中的賜開裝銀鞍馬衣着金銀器物有差伴射得提京師市井
兒遮路爭獻口號觀者如堵翌日人使朝辭朝退內前登山已
上綵其速如神夢華錄

律詩

正旦蒙趙王齊酒

庾信

正朝辟惡酒新年長命杯柏葉隨銘至椒花逐頌來

奉和元日詩

隋蕭愨

帝宮通夕燎天門拂曙開端雲生寶鼎榮光上露臺華山不彫
葉宣城萬壽杯遙見飛鳧下懸知紫縣來

元日

王介甫

四時纂要屠蘇孫思邈庵名一二屠割也蘇腐也
爆竹聲中一歲除春風送暖入屠蘇千門萬戶曠曠日總把新
桃換舊符

元日明白立春

蘇子瞻

堆盤紅饅細茵陳巧與椒花兩鬪新竹馬異時寧信老土牛明
日莫辭春

次曾仲錫元日見寄

蘇子瞻

蕭索東風一鬢華年年幡勝剪宮花愁聞塞曲吹蘆葦喜見春
盤得爽牙

詩話

火城

元日冬至立夜百官皆備宰相方至珂傘列燭至五六百炬謂之火城宰相火城將至則衆皆滅燭避之坡詩萬人爭看火城還國史補

賜幡勝

董勛問禮俗正月一日造華勝相遺夢華錄元日賜銀幡坡詩朝回兩袖天香滿頭上銀幡笑阿咸

雜著係元會

東都賦

班固

春王二朝會同漢京是日也天子受四海圖籍膺萬國之貢珍乃盛德興樂供帳置平雲龍之庭陳百僚而贊羣后究皇儀而展帝容於是庭實千品旨酒萬鍾列金壘班玉觴嘉珎御太牢

卓爾乃食舉雍徹太師奏樂陳金石布絛竹鐘鼓鏗鐃管絃燁煌統五聲極六律歌九功舞八佾傑侏音禁賣堯離四夷樂名罔不俱集萬樂備百禮暨皇歡浹羣臣醉降氤氳調元氣然後撞鐘告罷百僚遂退

古詩係元會

和吳冲卿元會

梅聖俞

千官車馬闐闐來晝漏始上闐闐開我我左右昇龍進昨夜雪飛雲作堆殿前冠劍魚鱗立東風入仗旗脚廻黃鐘一奏寶扇掩玳簾捲起香霧排鳴弰未盡靈靈響翠輦已退黃金階聖人端冕御法座大樂旅作聲和諧群公抃蹈丹墀下尚書奏瑞四夷懷乘輿却入更衣閣通天絳袍陞玉榻百拜稱觴萬歲聞兩

廊賜食替裙曲傳大定舞綴球波旋煙飲飾官車衛官解嚴
名士退日光停午氣象舒吳君才筆天下傑歸來作詩傳石渠
石渠秘遂無凡惠石渠酬唱皆嚴徐我慙短學復在後收余授
棄聊以書

元日早朝呈同省諸公

盧綸

萬戟凌霜布森森瑞氣間垂衣當曉日上壽對南山濟濟延多
士蹀躞舞百蠻小臣無事諫空愧伴鳴環

元日朝迴中夜書情寄南宮二故人

盧綸

鳴珮隨鸛鷺登階見冕旒無能裨聖代何事別滄洲閑夜貧還
醉浮名老漸羞鳳城春欲晚郎吏憶同遊

和耿拾遺元日觀早朝

司空曙

元日爭朝闕奔流若會溟路塵和薄霧騎火接低星門響雙魚
鑰車喧百子鈴冕旒當翠殿幢戟滿彤庭積歲方編瑞乘春即
省刑太官陳禹玉司曆貢堯莫壽酒三聲退簫韶九奏停太陽
開物象霽澤及生靈南陌高山碧東方遠氣青自憐揚子賤歸
草太玄經

元日觀郭將軍早朝

釋靈澈

欲曙九衢人更多千條香燭照星河今朝始見金五馬車馬縱
橫避玉珂

和庫部盧四兄曹長元日朝回

韓愈

天仗宵嚴建羽旄春雲送色曉雞號金爐香動螭頭暗玉珮聲

來雉尾高戎服上趨承北極儒冠列侍映東曹太平時節身難
遇郎署何須嘆二毛

人日

羣書要語

一日為雞二日為狗三日為猪四日為羊五日為牛
六日為馬七日為人董勛問禮俗

詩句鏤金作勝傳荆俗剪綵為人起晉風李商隱

古今事實

梅花粧

武帝女壽陽公主人日臥於含章簷下梅花點額上成五出之
花後人效之為梅花粧

造綵勝

劉臻妻陳氏人日上人勝於人或剪綵或鏤金薄為之歲時記

七種菜羹

人日採七種菜作羹歲時記

人日朝謁

鄭公嘗出行以正月七日謁見太宗勞之曰今日卿至可謂人
日劉餗傳

貼人於帳

古人以正旦畫雞于門七日貼入於帳杜公瞻注歲時記云餘
日不刻牛羊狗猪馬之象而二日獨施人雞此則未喻予以意
度之正旦畫雞于門謹始也七日貼人於帳重入云藝苑雌黃
事文類聚前集 卷之六

古今文集

古詩

人日城南登高

韓愈

初正候纔兆涉七氣已弄靈靈野浮陽暉暉水披凍盤蔬冬春
雜尊酒清濁共

人日寄杜工部

高適

人日題詩寄草堂遙憐故人思故鄉柳條弄色不忍見梅花滿
地應斷腸身在遠藩無所預心懷百憂復千慮今年人日空相
憶明年此日知何處一臥東山三十春豈知書劍與風塵鹿鍾
還亦二千石愧爾東西南北人

律詩

人日

隋薛道衡

入春纔七日離家已二年人歸落鴈後思發在花前

人日

杜甫

元日到人日未有不陰時冰雪鷓鴣難至春寒花較遲雲隨白水
落風振紫山悲蓬鬢稀疏久無勞比素絲

人日

杜甫

此日此時人共得一談一笑俗相看樽前柏葉休隨酒勝裏金
花巧耐寒佩劍衝星聊暫拔匣琴流水自須彈早春重引江湖
與直道無憂行路難

人日立春

侯彭老

朝來煮菜往鞭牛已覺江邊雪意休習習東風收雨脚暄暄曉

日綻雲頭尊前未放梅花老。鬢上先看柳帶柔。及取春花時一醉莫教沉瘦更清秋。

詩話

人日多陰

都人劉克窮該典籍嘗與客論云。元日到人日。未有不陰時。人知其一。未知其二。四百年惟子美與克會耳。起就架取書示客。曰。此東方朔占書也。歲後八日。一日為雞。二日為犬。三日為豕。四日為羊。五日為牛。六日為馬。七日為人。八日為殺。其日晴。主所生之物。有陰則災。少陵意謂天寶亂離。四方雲擾。幅裂人物。歲歲俱災。豈春秋書王正月意邪。深得古人用心。西清詩話

新編古今事文類聚前集卷之六終

早稲田大学図書館

011488505400